

列傳

1004
109
121

后妃

太祖母昭憲杜太后

太宗淑德尹皇后

真宗章懷潘皇后

楊叔妃

張貴妃

馮賢妃

欽慈陳皇后

昭懷劉皇后

韋賢妃

高宗憲節邢皇后

劉貴妃

孝宗成穆郭皇后

光宗慈懿李皇后

理宗謝皇后

宗室

魏王廷美

昭成太子元偁

楚王元偁

太祖考惠賀皇后

懿德符皇后

章穆郭皇后

沈貴妃

苗貴妃

英宗宣仁聖烈高皇后

林賢妃

徽宗顯恭王皇后

喬貴妃

憲聖慈烈吳皇后

劉婉儀

蔡貴妃

黃貴妃

度宗全后皇

燕王德昭

商王元份

周王元儼

孝明王皇后

明德李皇后

章憲明肅劉皇后

仁宗郭皇后

周貴妃

神宗欽聖敏肅向皇后

武賢妃

鄭皇后

劉貴妃

潘賢妃

張貴妃

成肅謝皇后

甯宗恭懿韓皇后

楊淑妃

秦王德芳

越王元傑

悼獻太子

孝章宗皇后

元德李皇后

李宸妃

慈聖光獻曹后

楊德妃

欽成朱皇后

哲宗昭慈孟皇后

王貴妃

欽宗朱皇后

張賢妃

成恭夏皇后

李賢妃

恭聖仁烈楊皇后

漢王元佐

鎮王元偃

濮王允讓

明監本宋史

卷六十二



列傳卷第一

四十二

開府儀同三司上柱國錄軍國事兼中書丞相監修國史領修國史都總管

勅脩

后妃上

太祖母昭憲杜太后

太祖孝惠賀皇后

孝明王皇后

孝章宋皇后

太宗淑德尹皇后

懿德符皇后

明德李皇后

元德李皇后

元宗章懷潘皇后

章穆郭皇后

章獻明肅劉皇后

李宸妃

楊淑妃

沈貴妃

仁宗郭皇后

慈聖光獻曹皇后

張貴妃

苗貴妃

周貴妃

楊德妃

馮賢妃

英宗宣仁聖烈高皇后

周人尊祖之詩曰厥初生民時維姜嫄蓋推本后稷之所自出以為王跡之所由基也宋之興雖由先世積累然至宣祖功業始大昭憲杜后實生太祖太宗

內助之賢母範之正蓋有以開宋世之基業者焉觀其訓太祖以無逸治天下至於穆定太宗神器之傳為宗社慮蓋益遠矣厥後慈聖光獻曹后擁佑兩朝宣仁聖烈高后垂簾聽政而有元祐之至南渡而后若高宗之以母道事隆祐孝宗奉明慈怡愉之樂皆足以為百王法程宋三百餘年外無漢王氏之患內無唐武常之禍豈不卓然而可尚哉昭憲垂裕之功至是殘矣舊史稱昭憲性嚴毅有禮法易之家人上九曰有孚威如終吉其是之謂歟作后妃傳太祖母昭憲杜太后定州安喜人也父瑛贈太師母

范氏生五子三女太后居長既笄歸于宣祖治家嚴
毅有禮法生邕王光濟太祖太宗秦王廷美夔王光
贊燕國陳國二長公主周顯德中太祖爲定國軍節
度使封南陽郡太夫人及太祖自陳橋還京師人走
報太后曰黜檢已作天子太后曰吾兒素有大志今
果然太祖即位尊爲皇太后天子拜太后於堂上衆
皆賀太后愀然不樂左右進曰臣聞母以子貴今子
爲天子胡爲不樂太后曰吾聞爲君難天子置身北
庶之上若治得其道則此位可尊苟或失馭求爲匹
夫不可得是吾所以憂也太祖再拜曰謹受教建隆

二年太后不豫太祖待藥餌不離左右疾亟召趙普
入受遺命太后因問太祖曰汝知所以得天下乎太
祖鳴噓不能對太后固問之太祖曰臣所以得天下
者皆祖考及太后之積天慶也太後曰不然正由周世
宗使幼兒主天下耳使周兵有長君天下豈爲汝有
乎汝百歲後當傳位于汝弟四海至廣萬幾至衆能
立長君社稷之福也太祖頓首泣曰敢不如教太后
顧謂趙普曰尔同記吾言不可違也命普於榻前爲
約誓書普於紙美書臣普書燕之金匱命謹密宮人
掌之太后崩于滋德殿年六十謚曰明憲葬安陵神

主祔享太廟乾德二年更謚昭憲合祔安陵

太祖孝惠賀皇后開封人右千牛衛率府率景思長女也性溫柔恭順動以禮法景思常為軍校與宣祖同居護聖營晉開運初宣祖為太祖聘焉周顯德三年太祖為定國軍節度使封會稽郡夫人生秦國晉國二公主魏王德昭五年寢疾薨年三十建隆三年四月詔追冊為皇后乾德二年三月有司上謚曰孝惠四月葬安陵西北神主享于別廟神宗時與孝章淑德章懷並祔太廟

孝明王皇后邠州新平人彰德軍節度饒第三女孝

惠崩周顯德五年太祖為殿前都點檢聘后為繼室后恭勤不懈仁慈御下周世宗賜冠帔封琅邪郡夫人太祖即位建隆元年八月冊為皇后常服寬衣佐御膳善彈箏鼓琴晨起誦佛書事社太后得驩心生子女三人皆大乾德元年十二月崩年二十二有司上謚翰林學士竇儀撰哀冊文二年四月葬安陵之北神主享于別廟太平興國二年祔享太廟

孝章宋皇后河南汝陽人左衛上將軍暉之長女也母漢永寧公主后幼時隨母入見周太祖賜冠帔乾德五年太祖召見復賜冠帔時陞任華州節度后隨

母歸鎮孝明后崩復隨母來賀長春節開寶元年二月遂納入宮為皇后年十七性柔順好禮每帝視朝退常具冠被候接佐御饌太祖崩號開寶皇后太平興國二年居西宮雍熙四年移居東宮至道元年四月崩年四十四有司上謚嬪殯普濟佛舍三年正月祔葬永昌陵北命吏部侍郎李至撰哀冊文神主享于別廟神宗時升祔太廟

太宗淑德丑皇后相州鄴人潁州刺史廷勛之女兄崇珂保信軍節度太宗在周時娶焉早薨及帝即位詔追冊為皇后并謚葬孝明陵西北神主享于別廟

後升祔太廟

懿德符皇后陳州宛丘人魏王彥卿第六女也周顯德中歸太宗建隆初封汝南郡夫人進封楚國夫人太宗封晉王改越國開寶八年薨年三十四葬安陵西北帝即位追冊為皇后謚懿德享于別廟至道三年十一月詔有司議太宗配宰相請以后配詔從之奉神主升祔太廟后姊周世宗后也淳化四年殂明德李皇后潞州上黨人淄州刺史虔耘第二女開寶中太祖為太宗聘為妃既納幣會太祖崩至太平興國三年始入宮年十九雍熙元年十二月詔立為

皇后后姓恭謹莊肅撫育諸子及嬪御甚厚嘗生皇子不育至道二年封后嫡母吳氏為衛國太夫人後改封楚國及封后母陳氏為韓國太夫人太宗崩真宗即位至道三年四月尊后為皇太后居西宮嘉慶殿咸平二年宰相請別建宮立名社之四年宮成移居之仍上宮名曰萬安景德元年崩年四十五謚明德權殯沙臺三年十月祔葬永熙陵禮官請以懿德明德同祔太宗廟室以先後以次從之

李賢妃真定人乾州防禦使英之女也太祖聞妃有容德為太宗聘之開寶中封隴西郡君太宗即位進

夫人生皇女一人皆早亡次生楚王元佐妃嘗夢日輪逼已以裾承之光耀遍體驚而寤遂生真宗太平興國二年嘉年三十四真宗即位追封賢妃又進上尊號為皇太后有司上謚曰元德咸平三年祔葬永熙陵以中書侍郎李章事本沆為園陵使車駕詣普安院積宮素服行禮拜伏鳴咽命駕部郎中知制誥梁周翰撰哀冊神主祔別廟太平祥符元年追贈石父英檢校太尉安國軍節度常山郡王母魏國太夫人太平祥符三年禮官趙鼎請以后祔太宗廟室真宗曰此重事也俟令禮官議之六年秋宰相王旦與

群臣表請后尊號中云太宗升祔太廟明德之次從

真宗章懷潘皇后大名人忠武軍節度美第八女真

宗在位即太宗為聘之封晉國夫人端拱二年五月

堯年二十二真宗即位追冊為皇后謚莊懷聖永昌

陵之側陵名保泰神三子于別廟奉制后謚冠以帝

謚慶曆中禮官言孝字連太祖謚德字連太宗謚遂

改莊為章以建真宗謚云

章穆郭皇后太原人宣徽南院使守文第二女淳化

四年真宗在襄邸太宗為聘之封魯國夫人進封秦

國真宗嗣位立為皇后景德四年從幸西京還以疾

崩年三十二后諱約惠下性惡吝靡族屬入謁禁中

服飾華侈必加賜賜有以家事言於上者后終不

許况子出嫁以貧欲祈恩資但出裝與給之上亦加

禮重及崩上深嗟悼禮官奏皇帝七日釋服特詔增

至十三日太常上謚曰莊穆靈駕發引命翰林學士

楊億撰哀冊葬永熙陵之西北神主享于別廟以后

弟崇儀副使崇仁為莊宅使康州刺史姪承慶承壽

皆遷官大中祥符中封后母高唐郡大夫人梁氏萊

國大夫人仁宗即位升祔真宗廟室改謚章穆

章獻明肅劉皇后其先家太原後徙益州為華陽人
祖延慶在晉漢間為右驍騎大將軍父通虎捷都指
揮使嘉州刺史從征太原道卒后通第二女也初母
歷憂月入懷已而有娠遂生后后在襁褓而孤鞠於
外氏善播穀蜀人龔美者以鍛銀為業攜之入京師
后年十五入襄邸王乳母秦國夫人性嚴整因為太
宗言之令王居去王不得已置之王宮指使張者家
太守崩真宗即位入為美人以其無宗族乃更以美
為兄弟改姓劉大中祥符中為修儀進德妃自章穆
崩真宗欲立為皇后大臣多以為不可帝卒立之李

宸妃生仁宗后以為己子與楊淑妃撫視甚至后性
警悟曉書史聞朝廷事能記其本末真宗退朝閱天
下封奏多至中夜后嘗預聞宮闈事有問輒傳引故
實以對天禧四年帝久疾居宮中事多決於后宰相
寇準定議奏請皇太子監國以謀泄罷相用丁謂代
之既而入內都知周懷政謀廢后殺謂復用準以輔
太子客省使楊崇勳內殿承制楊懷吉詣謂告謂夜
乘犢車挾崇勳懷吉造樞密使曹利用謀明日誅懷
政貶準衡州司馬於是詔皇太子開資善堂引大臣
決天下事太后裁制於內真宗崩遺詔尊后為皇太后

軍國重事權取處分謂等請太后御別殿太后遣張景宗雷允恭諭曰皇帝視事當朝夕在側何須別御一殿於是請帝與太后五日一御承明殿帝位左太后位右無簾決事議已定太后忽出手書第欲禁中閱章奏遇大事即召對輔臣其謀出於下謂非太后意也謂既貶馮拯等三上奏請如初議帝亦以為言於是始同御承明殿百官表賀太后哀慟有司請制令攝音以生日為長寧節出入御大安堂鳴鞭侍衛如乘輿令天下避太后父諱群臣上尊號曰應元崇德仁壽慈聖太后御文德殿受冊天聖五年正旦太后御會慶殿群臣及契丹使者班廷中帝再拜跪上壽是歲郊祀前出手書諭百官毋請加尊號禮成帝率百官恭謝如元日七年冬至天子又率百官上壽范仲淹力言其非不聽九月詔長寧節百官賜衣天下賜宴皆如乾元節明道元年冬至復御文德殿有司陳黃麾仗設官架登歌二舞明年帝親耕籍田太后亦謁太廟乘玉輅服棉衣九龍花釵冠齋于廟贊明服袞衣十章減宗彝藻去劍冠儀天前後垂珠翠卡旒薦獻七室皇太妃亞獻皇后終獻加上尊號曰應天齊聖顯功崇德慈仁保壽太后是歲崩年六十

一

王謚曰章獻明肅葬于永定陵之西北舊制皇后皆
二謚稱制加四謚自后始追贈三世皆至太師尚書
令兼中書令父封魏王初仁宗即位尚少太后稱制
雖政出宮闈而號令嚴明恩威加天下左右近習亦
少所假借宮掖間未嘗妄改作內外賜與有節崇氏
李氏二公主入見猶賑髮髻太后曰姑老矣命左右
賜以珠玕帕首時潤王元份婦安國夫人李氏老髮
且落見太后亦請帕首太后曰大長公主太宗皇帝
女先帝諸妹也若趙家老婦寧可比耶舊賜大臣茶
有龍鳳飾太后曰此豈人臣可得命有司別製入香

京擬以賜之賜族人御食必易以鈿器曰尚方器勿
使入吾家也常服純繻練裙侍者見仁宗左右簪珥
珍麗欲效之太后戒曰彼皇帝嬪御飾也汝安得學
先是小臣方仲弓上書請依武后故事立劉氏廟而
程琳亦獻武后臨朝圖后擲其書于地曰吾不作此
負祖宗事有漕臣劉綽者自京西還言在庾有出贖
糧千餘斛乞付三司后問曰卿議王曾張知白呂夷
簡魯宗道乎此四人豈因獻羨餘進哉后稱制凡十
一年自仁宗即位乃諭輔臣曰皇帝聽斷之暇宜詔
名儒講習經史以輔其德於是設幄崇政之殿西廡

而日命近臣侍講讀丁謂曹利用既以侮權異竄而天下惕然畏之晚稍進外家任內宮羅崇勳江德明等訪外事崇勳等以此勢傾中外兄子從德死姻戚門人廝役拜官者數十人御中曹脩古楊偕郭勸段少連論奏太后悉逐之太后保護帝既盡力而仁宗所以奉太后亦甚備上春秋長猶不知為宸妣所出終太后之世無毫髮間隙焉及不豫帝為大赦悉召天下醫者馳傳詣京師諸醫為太后謫者皆內徙死者復其官其後言者多追詆太后時事范仲淹以為言上曰此朕所不忍聞也下詔戒中外毋輒言於是

恭寧軍節度使錢惟演請以章獻章懿與章穆並祔真宗室詔三省與禮院議皆以謂章穆皇后位崇中壺已祔真宗廟室自恊一帝一后之文章獻明肅處坤元之尊章懿感日符之貴功德莫與為此謂宜崇建新廟同殿異室歲時薦饗一用太廟之儀仍別立廟名以崇世享翰林學士馮元等請以奉慈為名詔依慶曆五年禮院言章獻章懿二后請遵國朝懿德明德元德三后同祔太宗廟室故事遷祔真宗廟詔兩制議翰林學士王堯臣等議請遷二后祔序於章穆之次從之

李宸妃杭州人也祖廷嗣仕錢氏為金華縣主簿父
仁德終左班殿直初入宮為章獻太后侍兒莊重寡
言真宗以為司寢既有娠從帝臨砌臺王釵墜妃惡
之帝心卜釵院當為男子左右取以進釵果不毀帝
甚喜已而生仁宗封崇陽縣君復生一女不育進才
人後為婉儀仁宗即位為順容從守永定陵章獻太
后使劉美張懷德為訪其親屬得其弟用和補三班
奉職初仁宗在襁褓章獻以為己子使楊淑妃保視
之仁宗即位妃嘿處先朝嬪御中未嘗自異人畏太
后亦無敢言者終太后世仁宗不自知為妃所出也

明道元年疾革進位宸妃薨年四十六初章獻太后
欲以宮人禮治喪於外丞相呂夷簡奏禮宜從厚太
后遽引帝起有頃獨坐簾下召夷簡問曰一宮人死
相公云云何歟夷簡曰臣待罪宰相事無內外無不
當預太后怒曰相公欲離間吾母子耶夷簡從容對
曰陛下不以劉氏為念臣不敢言尚念劉氏則喪禮
宜從厚太后悟遽曰宮人李宸妃也且奈何夷簡乃
請治喪用一品禮殯洪福院夷簡入內都知羅
崇勳曰宸妃當以后服殮用水銀實棺異時勿謂夷
簡未嘗道及崇勳如其言後章獻太后崩燕王為仁

宗言陛下乃李宸妃所生死以非命仁宗號慟頓
毀不視朝累日下哀痛之詔自責尊宸妃為皇太后
謚莊懿幸洪福寺祭告易梓宮親哭視之妃玉色如
生冠服如皇太后以水銀養之故不壞仁宗嘆曰人
言其可信哉遇劉氏加厚陪塋永定陵廟曰奉慈又
即景靈宮建神御殿曰廣孝慶曆中改謚章懿升祔
太廟拜用和為彰信軍節度使檢校侍中寵賚甚渥
既而追念不已顧無以厚其家乃以福康公主下嫁
用和之子瑋

揚淑妃益軍郡人祖瑄父知儼知儼弟知信隸禁軍

為天武副指揮使妃年十二入皇子宮真宗即位拜
入才又拜婕妤進婉儀仍詔婉儀升從一品位昭儀
上帝東封西祀凡巡幸皆從章獻太后為脩儀妃與
之位幾埒而妃通敏有智思奉順章獻無所忤章獻
親愛之故妃雖貴幸終不以為已間後加淑妃真宗
崩遺制以為皇太后始仁宗在乳褓章獻使妃護視
凡起居飲食必與之俱所以擁佑扶持恩意勤備及
帝即位常召其姪末德見禁中欲授以諸司副使妃
辭曰小兒豈勝太恩小官可也更命為右侍禁章獻
遺誥尊為皇太后居宮中與皇帝同議軍國事閣門

趣百僚賀御史中丞蔡齊目臺吏毋追班乃入白執
政曰上春秋長習知天下情偽今始親政事豈宜使
女后相繼稱制乎乃詔刪去遺詔同議軍國事語第
存后號奉緡錢二萬助湯沐後名其所居宮曰保慶
稱保慶皇太后景祐三年無疾而薨五十三殯於
皇儀殿帝思其保護之恩命禮官議加服小功初仁宗
未有嗣后母勸帝擇宗子近屬而賢者養于宮中
其選即英宗也英宗立言者謂禮慈母於子祭於孫
止請廢后廟塗其主園陵英宗弗欲遽也 下有司
議未上會帝崩遂罷后父祖皆累贈至一品知信贈

節度使知信子景宗見外戚傳

沈貴妃宰相倫之孫父繼宗光祿少卿大中祥符初
以將相家子被選初爲才人歷美人婕妤克媛至德
妃爲人淑儉不華帝亦以妃家世故待之異衆長秋
虛位帝欲立之有從中沮之者不果嘉祐末進貴妃
熙寧九年薨年八十三許出殯其家車駕臨奠輟視
朝三日謚昭靜

仁宗郭皇后其先應州金城人平盧軍節度使崇之
孫也天聖二年立爲皇后初帝寵張美人欲以爲后
章獻太后難之后既立而頗見疎其後尚美人揚美

人俱幸數與后忿爭一日尚氏於上前有侵后語后
不勝忿批其額上自起救之誤批上頸上大怒入內
都知閹文應因與上謀廢后且勸帝以爪痕示執政
上以示呂夷簡且告之故夷簡亦以前罷相怨后乃
曰古亦有之后遂廢詔封爲淨妃王京冲妙仙師賜
名清悟居長樂宮於是中丞孔道輔諫官御史范仲
淹段少連等十人伏閣言后無過不可廢道輔等俱
被黜責景祐元年出居瑞華宮而尚美人亦廢於洞
真宮入道揚美人別宅安置又賜后號金庭教主冲
靜元師後帝頗念之遣使存問賜以樂府后和荅之

歲育禁中后拊鞠周盡迫入為嗣子贊策居多帝夜
暴疾崩后悉歛諸門鑰寘於前召皇子入及明宰臣
韓琦等至奉英宗即位尊后為皇太后帝感疾請權
同處分軍國事御內東門小殿聽政大臣日奏事有
疑未決者則曰公輩更議之未嘗出已意頗涉經史
多援以決事中外章奏日數十一一能紀綱要檢柅
曹氏及左右臣僕毫分不以假借宮省肅然明年夏
帝疾益愈即命撤簾還政帝特書久不下及秋始行
之敕有司崇峻典禮以弟侑同中書門下平章事神
宗立尊為太皇太后名宮曰慶壽帝致極誠孝所以

承迎娛悅無所不盡從行登翫每先後策掖后亦慈愛天至或退朝稍晚必自至屏處候矚間親持饌飲以食帝外家男子舊母得入謁后春秋高佾亦老帝數言宜使入見輒不許他日佾侍帝帝復爲請乃許之因偕詣后閣少焉帝先起若令佾得伸親親意后遽曰此非汝所當得留趣遣出晚得水疾侍醫莫能治元豐二年冬疾甚帝視疾寢門衣不解帶旬日崩年六十四帝推恩曹氏拜佾中書令進官者四十餘人初王安石當國變亂舊章后乘間語神宗謂祖宗法度不宜輕改熙寧宗祀前數日帝至后所后曰吾

昔聞民間疾苦必以告仁宗因赦行之今亦當爾帝曰今無他事后曰吾聞民間甚苦青苗助役宜罷之安石誠有才學然怨之者甚衆帝欲愛惜保全之不敢暫出之於外帝悚聽垂欲止復爲安石所持遂不果帝嘗有意於燕薊已與大臣定議乃詣慶壽宮白其事曰儲蓄賜予備乎鎧仗士卒精乎帝曰固已辦之矣后曰事體至大吉凶悔吝生乎動得之不過南面受賀而已萬一不諧則生靈所係未易以言苟可取之太祖太宗收復久矣何待今日帝曰敢不受教蘇軾以詩得罪下御史獄人以爲必死后違豫中

聞之謂帝曰嘗憶仁宗以制科得軾兄弟喜曰吾為子孫得兩宰相今聞軾以作詩繫獄得非仇人中傷之乎摺至於詩其過微矣吾疾勢已篤不可以寃濫致傷中和宜熟察之帝涕泣軾由此得免及崩帝哀慕毀瘠殆不勝喪有司上謚葬于永昭陵

張貴妃河南永安人也祖穎進士第終建平令父堯封亦舉進士為石州推官卒時堯封兄堯佐補蜀官堯封妻錢氏求挈孤幼隨之官堯佐不收恤以道遠辭妃幼無依錢氏遂納于章惠皇后宮寢長得幸有盛寵妃巧慧多智數善承迎勢動中外慶曆元年封

清河郡君歲中為才人遷修媛忽被疾曰妾姿薄不勝寵名願為美人許之皇祐初進貴妃後五年薨年三十一仁宗哀悼之追冊為皇后謚溫成追封堯封清河郡王謚景思而堯佐因緣僥倖致位通顯云

苗貴妃開封人父繼宗母許先為仁宗乳保出嫁繼宗帝登位得復通籍妃以容德入侍生唐王昕福康公主封仁壽郡君才人昭容德妃英宗育於禁中妃擁佑頗有恩既踐阼疇其前勞進貴妃贈其父至大師吳國公母陳楚國夫人福康下嫁當馳恩外家抑不肯言元祐六年薨年六十九哲宗輟朝出奠發

哀苑中謚曰昭節

周貴妃開封人生四歲從其姑入宮張貴妃育爲女稍長遂得侍仁宗生兩公主帝崩妃日一疏食屏處一室誦佛書困則假寐覺則復誦晝夜不解衣者四十年公主下嫁錢景臻郭獻卿連進至賢妃徽宗立加貴妃歷五朝勤約一致啓壽藏於周氏瑩南傍建僧屋費緡錢六萬皆貯儲奉賜郭公主先亡詔許出外第與親戚相往來年九十三薨謚昭淑

楊德妃定陶人天聖中以章獻太后姻連選爲御侍封原武郡君進美入端麗機敏妙音律組紉書藝一

過目如素習父忠爲侍禁仁宗欲加獎擢辭曰外官當積勞以取貴今以恩澤徼倖恐啓左右諛謁之端帝悅命徙居肅儀殿贈其祖貴州刺史而官其叔弟五人積與郭后不相能后既廢妃亦遣出後復召爲婕妤歷修媛脩儀熙寧五年薨年五十四贈德妃

馮賢妃東平人曾祖炳知雜御史祖起兵部侍郎妃以良家女九歲入宮及長得侍仁宗生邢魯國二公主封始平郡君帝將登其品秩力辭不拜養女林美

人得幸神宗生二王而沒王尚幼妃保育如已子累加才人婕妤脩容在禁掖幾六十年始終五朝動循

禮度薨年七十七贈賢妃

英宗宣仁聖烈高皇后亳州蒙城人曾祖瓊祖繼勳皆有勲王室至節度使母曹氏慈聖光獻妃姊也故后少鞠宮中時英宗亦在帝所與后年同仁宗謂慈聖異日必以為配既長遂成昏濮邸生神宗皇帝岐王顥嘉王顥壽康公主治平二年冊為皇后后弟殿內崇班士林供奉父帝欲遷其官后謝曰士林獲升朝籍分量已過豈宜援先后家比辭之神宗立尊為皇太后居寶慈宮帝累欲為高氏營大第后不許久之但斥望春門外隙地以賜凡營繕首役費悉出寶

慈不調大農一錢元豐八年帝不豫浸劇宰執王珪等入問疾乞立延安郡王為皇太子太后權同聽政帝領之珪等見太后簾下后泣撫王曰兒孝順自官家服藥未嘗去左右書佛經以祈福喜學書已誦論語七卷絕不好弄乃令王出簾外見珪等珪等再拜謝且賀是日降制立為皇太子初岐嘉二王日間起居至是令母輒入又陰敕中人梁惟簡使其妻製十歲兒一黃袍懷以來蓋密為踐阼倉卒備也哲宗嗣位尊為太皇太后驛召司馬光呂公著未至迎問今日設施所宜先未及條上已散遣脩京城役夫減皇

城規卒止禁庭工技廢導洛司出近侍尤亡狀者戒中外毋苛鉅寬民間保戶馬事由中旨王珪等弗預知又起文彥博於既老遣使勞諸途諭以復祖宗法度為先務且令亟疏可用者從父遵裕坐西征失律抵罪蔡確劾獻諛以固位乞復其官后曰遵裕靈武之役塗炭百萬先帝中夜得報起環榻行徹旦不能寐聖情自是齟齬馴致大故禍由遵裕得免刑誅幸矣先帝肉未冷吾何敢顧私恩而為天下公議確悚慄而止光公著至並命為相使同心輔政一時知名士彙進於廷凡熙寧以來政事弗便者次第罷之於

是以常平舊式改青苗以嘉祐差役參募役除市易之法追茶鹽之禁舉邊若不毛之地以賜西戎而宇內復安契丹主戒其臣下復勿生事於疆場曰南朝盡行仁宗之政矣蔡確坐車蓋亭詩謫嶺表后謂大臣曰元豐之末吾以今皇帝所書佛經出示人是時惟王珪會奏賀遂定儲極且以子繼父有何間言而確自謂有定策大功矣廟事端規為異時眩惑地吾不忍明言然詔上為名達之耳此宗社大計姦邪怨謗所不暇恤也廷試舉人有司請循天聖故事帝后皆御殿后止之又請受冊寶於文德后曰毋后當

陽非國家喪事況天子正衙豈所當御就崇政足矣
上元燈宴若無當不觀止之曰夫人登樓上必加禮
是由吾故而越與制於心殊不安但令賜之燈燭遂
歲以為常姪公繪公紀嘗轉觀察使力逼之帝請至
再僅遷一秩終右之世不敢改以官冗當次詔損
外氏恩四之一以為宮掖先臨政九年朝廷清明華
夏綏定宋用臣等既被斥祈神宗乳媪入言之冀得
復用右見其來曰汝來何為得非為用臣等游說乎
且汝尚欲如曩日求內降干撓國政耶若復爾吾即
所汝媪大懼不敢出一言自是內降遂絕力行故事
抑絕外家私恩文思院奉上之物無問巨細終身不
取其一人以為女中堯舜元祐八年九月屬疾崩年
六十二後二年章惇蔡卞邢恕始造為不根之謗皇
太后太妃力辨其誣事乃已語在恕傳至高宗時昭
暴惇卞恕罪褒錄后家贈曹夫人為魏魯國夫人弟
士遜士林及公繪公紀皆追王擢從孫世則節度使
他受恩者又十餘人云

列傳卷第一

受恩深又十餘人
 士林父公會公
 其才學
 六十一
 距共一人以
 神

列傳卷第二

宋史二百四十三

開儀圖司舊錄圖重前書君丞相義國大領經事都總裁勝脫其奉

教

后妃下

神宗欽聖獻肅向皇后

欽成朱皇后

欽慈陳皇后

林賢妃

武賢妃

哲宗昭慈孟皇后

昭懷劉三后

徽宗顯恭王皇后

鄭皇后

王貴妃

章賢妃

喬貴妃

劉貴妃

欽宗宋皇后

高宗憲節邢皇后

憲聖慈烈吳皇后

潘賢妃

張賢妃

劉貴妃

劉婉儀

張貴妃

孝宗成穆郭皇后

成恭夏皇后

成肅謝皇后

蔡貴妃

李賢妃

光宗慈懿李皇后

黃貴妃

寧宗恭淑韓皇后

恭聖仁烈楊皇后

理宗謝皇后

度宗全皇后

楊淑妃

神宗欽聖憲肅向皇后河內人故宰相敏中曾孫也

治平三年歸于穎邸封安國夫人神宗即位立為皇

后帝不豫后贊宣仁后定建儲之議哲宗立尊為皇

太后宣仁命壽慶壽故宮以居后后辭曰安有姑居

西而婦處東瀆上下之分不敢徒遂以慶壽後殿為

隆祐宮居之帝將卜后及諸三納婦后敕向族勿以

女實選中族黨有欲援例以恩換閣職及為選人求

二百六十八
京秩者且言有特旨后曰吾族亦省用此例何庸以私情撓公法一不與帝倉卒晏駕獨決策迎端王章惇異議不能沮徽宗立請權同處分軍國事后又以長君辭帝泣拜移時乃聽凡紹聖元符以還惇所斥逐賢大夫士稍稍收用之故事有如御正殿避家諱立誕節之類皆不用至聞賓召故老寬徭息兵愛民崇儉之舉則喜見于色纔六月即還政明年正月崩年五十六帝追念不已乃數加恩兩舅宗良宗回皆位開府儀同三司封郡王而自敏中以上三世亦這列王爵非常典也

欽成朱皇后開封人父崔傑早世母李更嫁朱士安后鞠於所親任氏無寧初入宮為御侍進才人婕妤生哲宗及蔡王以徐國公主累進德妃哲宗即位尊為皇太妃時宣仁欽聖二太后皆居尊故稱號未極元祐三年宣仁詔春秋之義母以子貴宜等繹故實務發優隆於是典蓋仗衛冠服悉梓皇后紹聖中欽聖復命即閣建殿改乘車為輿出入由宣德東門百官上殿稱殿下名所居為聖瑞宮贈崔任朱三父皆至師保徽宗立奉禮尤謹崇寧元年二月薨年五十一追冊為皇太后尊蓋陪益永裕陵

欽慈陳皇后開封人幼穎悟重選入掖庭為御侍
生徽宗進美人帝崩守陵殿恩禮嘗思要瘠骨立左
右進藥藥揮使去曰得早侍先帝願足矣未幾亮年
三十二歲中靖國元年追冊為皇太后上尊謚陪葬
永裕陵

蘇賢妃南劍人三司使特之孫司農卿洙之女幼選
入宮既長遂得幸封永嘉郡君升美人生燕王俱越
王偲邢國公主進婕妤元祐五年薨詔用一品禮葬
贈貴儀又贈賢妃

武賢妃始以選入宮元豐五年進才人生吳王必賢
和公主歷美人婕妤徽宗即位進昭儀賢妃大觀元
年薨乘輿臨真輟朝三日謚曰惠穆

哲宗昭慈聖獻高皇后洛州人眉州防禦使烏軍都
虞候贈太尉元之孫文也初哲宗既長宣仁高太后
歷選世家女百餘入宮后年十六宣仁及欽聖均太
后皆愛之教以女儀元祐七年諭宰執高氏子能執
婦禮宜正位中宮命學士草制又以近世禮儀簡畧
詔翰林臺諫給合與禮官議冊后六禮以進至是命
尚書左僕射呂大防攝太尉充奉迎使同知樞密院
韓忠彥攝司徒副之尚書左丞蘇頌攝太尉充發策

使僉書樞密院事王巖叟攝司徒副之尚書右丞蘇轍攝太尉充告期使皇叔祖同知大宗正事宗景攝宗正卿副之皇伯祖判大宗正事高宗郡王宗晟攝太尉充納成使翰林學士范百祿攝宗正卿副之吏部尚書王存攝太尉充納言使權戶部尚書劉孝世攝宗正卿副之翰林學士梁燾攝太尉充納米問名使御史中丞鄭雍攝宗正卿副之帝親御文德殿冊為皇后宣仁太后語帝曰得賢內助非細事也進右父閣門祇候在為崇儀使榮州刺史母王氏華原郡君久之劉婕妤有寵紹聖三年右朝景靈宮訖事就

坐諸嬪御立侍劉獨背立簾下后閣中陳迎兒呵之不顧閣中皆忿冬至日會朝欽聖太后於隆祐宮后御坐采翠金飾宮中之制惟后得之婕妤在他坐有溫色從者為易坐製與后等衆弗能平因傳唱曰皇太后出后起立劉亦起尋各復其所或已撤婕妤好坐遂仆于地劉不復朝泣訴于帝內侍部隨謂婕妤好曰毋以此戚戚願為大家早生子此坐正當為婕妤好有也會右文福慶公主疾后有婦頗知醫嘗言已后危疾以故出入禁掖公主藥弗效持道家法為符水入治后驚曰婦寧知宮中禁嚴與外間異邪令左右藏之

侯帝至具言其致帝曰此人之常情耳后即執符於
帝前官暴相傳履魅之端作之示幾后養母聽宣六
人燕氏尼法瑞與侯奉官三思為后禱祠事聞詔入
內押班梁從政嘗官御史院蘇珪即皇城司鞠之捕
逮宦者官妾幾三十人榜掠備置肢體毀折至有斷
舌者獄成命侍御史董敦逸惡錄罪人過庭下氣息
僅屬無一人能出聲者敦逸垂不置廢未下郝隨等以
言為月之數逸畏禍及已乃以表上臆上詔廢后出居
華宮號華陽教主王清妙靜心師法名冲真初章傳
誣宣仁后有廢立計以后遠事于宣仁傳又陰附劉賢

妃欲請建為后遂與郝隨構成是獄天下寃之敦逸
奏言中宮之廢事有所因情有可察詔下之日天為
之陰翳是天不欲廢后也人為之流涕是人不欲廢
后也且言嘗覆錄為事恐得罪天下後世帝曰敦逸
不可更在言路曾布曰陛下本以皇城獄出於近習
推治故命敦逸錄問今乃賤錄問官何以取信中外
乃止帝又亦悔之曰章傳誤我元符未幾聖太后將
復右位適有布衣上書以右為言者即命以官於是
詔后還內號元祐皇后時劉瑛元符皇后故也柔壽
郝隨諷蔡京奏廢后昌州判官馮辨上書言右不

得復臺臣爲通石豫左屬等連直論韓忠孝等信一
布衣狂言復已廢之后以按虛美望所以六義蔡京
與執政許將溷益趙挺之張商英等三其說微云從
之詔依紹聖詔言復居華宮加賜希範元通知和
妙靜仙所居康初遷華宮又徙居延寧宮又徙居
相國寺前之私第金人國汴欽宗與近臣議再復后
尊爲元祐太后詔未下而京城陷時六宮有位號者
皆北遷后以廢獨存張邦昌僭位尊后爲宋太后迎
居延福宮受百官朝胡澥陟馬伸又言政事當取右
旨邦昌乃復上尊號元祐皇后迎入禁中垂簾聽政

后聞康王在濟遣尚書左右丞馮澥李回及兄子忠
厚持書奉迎命副都指揮使郭仲荀將所部扈衛又
命御營前軍統制張俊逆于道尋降手書播告天下
王至南京后遣宗室士儂及內侍邵成章奉圭寶乘
輿服御迎王即皇帝位改元后以是日撤簾尊后爲
元祐太后尚書省言元字犯后祖名請易以所居宮
名遂稱隆祐太后上將幸揚州命仲荀衛太后先行
駐揚州州治會張浚請先定六宮所居地遂詔忠厚
奉太后幸杭州以苗傅爲首從統制踰年傳與劉正
彥作亂請太后聽政又請立皇子太后諭之曰自蔡

京王黼更祖宗法童貫起邊事致國家禍亂今皇帝
無失德止為黃潛善汪伯彥所誤昔已逐矣傳等言
必立皇太子太后曰今強敵在外我以婦人抱三歲
小兒聽政將何以令天下傳等泣請太后力拒之帝
聞事急詔禪位元子太后垂簾聽政朱勝非請令臣
僚得獨對論機事仍日引傳黨一人上殿以釋其疑
太后從之每見傳等曲加慰撫傳等皆喜韓世忠妻
梁氏在傳軍中勝非以計脫之太后召見勉令世忠
速來以清嚴陞梁氏馳入世忠軍諭太后意世忠等
遂引兵至逆黨懼朱勝非等誘以復辟命王世脩草

狀進呈太后喜曰吾責塞矣再以手札趣帝還宮即
欲撤簾帝令勝非請太后一出御殿乃命撤簾是日
上皇太后尊號太后聞張浚忠義欲一見之帝為召
浚至禁中承議郎馮檉嘗貽書甫傳勸復辟上未之
知太后白其事檉得遷秩帝幸津州寧命令書樞密院
事鄭毅衛太后繼發此至帝幸行宮地于郊會防秋
迫命劉寧止制江浙衛太后往洪州百司非預軍事
者悉從仍命賧康劉珪權知三省樞密院事從行
凡四方奏讞吏部差注舉辟功賞之類皆隸焉復命
四廂都指揮使楊惟忠將兵萬人衛從帝慮敵人來

侵密諭康珽緩急取太后旨便宜以行過落星寺舟
覆宮人溺死者十數惟太后舟無虞既至洪州議者
言金人自蘄黃渡江陸行二百餘里即到洪州帝憂
之命劉光世屯江州光世不為備金人遂自大冶縣
徑趨洪州康珽奉太后行次吉州金人追急太后乘
舟夜行質明至太和縣舟人景信反揚惟忠兵潰失
宮人一百六十康珽俱遁兵衛不滿百遂往虔州太
后及潘妃以農夫肩輿而行帝慮太后徑入閩廣遣
使歷詢后所在及知在虔州遂命中書舍人李正民
來朝謁時虔州府庫皆空衛軍所給惟得沙錢市買

不售與百姓交聞縱火肆掠土豪陳新率衆圍城康
珽惟忠弗能禁惟忠步將胡友自外引兵破新于城
下新乃去帝聞罷康珽命盧益李回代之諭輔臣曰
朕初不識太后自迎至南京憂朕不甯已出今在數
千里外兵馬驚擾當亟奉迎以愜朕朝夕慕念之意
遂遣御營司都統辛企宗帶御器械潘永思迎歸太
后至越帝親迎于行宮門外遍問所過守臣治狀入
宮禁中嘗微苦風眩有宮人自言善符咒疾良已太
后驚曰吾豈敢復聞此語耶立命出之太后生辰置
酒官中從容謂帝曰宣仁太后之賢古今毋后未有

其比昔奸臣肆為謗誣雖嘗下詔明辨而國史尚未
刪定豈足傳信吾意在天之靈不無望於帝也帝聞
之悚然後廼更修神宗哲宗實錄始得其正而奸臣
情狀益著帝事太后極孝雖帷帳皆親視或得時果
必先獻太后然後敢嘗宣教即范燾與忠厚有憾誣
與太后密養欽宗子帝曰朕於太后如母子安得有
此即治其罪紹興五年春患風疾帝旦暮不離左右
衣弗解帶者連夕四月崩於行宮之西殿年五十九
遺命擇地攢殯俟軍事寧歸葬園陵帝詔曰朕以繼
體之重當從重服凡喪祭用毋后臨朝禮上尊號曰
昭慈獻烈皇太后推恩外家凡五十人殯于會稽上
皇村附神主于哲宗室位在昭懷皇后上三年改謚
昭慈聖獻后性節儉謙謹有同月供千緡而止幸南
昌斥賣私絹二千匹充費尋詔文書應奏者避后父
名不許即上太皇太后號亦不許忠厚直顯謨
閣堊諫給合交章論列后聞即令易武命學士院降
詔戒勅忠厚等不得預聞朝政通貴近至私第謁見
宰執以恩澤當得官者近八十員后未嘗陳請初后
受冊日宣仁太后歎曰斯人賢敏惜福薄耳異日國
有事變必此人當之後皆如所云

昭懷劉皇后初為御侍明豔冠後庭且多才藝由美人建好進賢妃生一子二女有盛寵能順意奉兩宮時孟后位中官后不循列妾禮且陰造奇語以售謗內侍郝隨劉友端為之用孟后既廢后竟代為右正言鄒浩上疏極諫生竄徽宗立冊為皇符皇后明年尊為太后名功崇恩帝緣勢宗故曲加恩禮后以是頗干預外事且以不謹聞帝與輔臣議將廢之而后已為左右所逼即簾鈞自縊而崩年三十五

徽宗顯恭王皇后開封人德州刺史藻之女也元符二年六月歸于端邸封順國夫人徽宗即位冊為皇

后生欽宗及崇國公主后性恭儉鄭王二妃方亢寵后待之均平巨閹妄意迎合誣以閹昧帝命刑部侍郎周鼎即秘獄參驗略無一跡獄止后見帝未嘗一語輒及帝幡然憐之大觀二年崩年二十五謚曰靜和葬裕陵之次紹興中始附徽宗廟室段上今謚云鄭皇后開封人也父神始為直省官以后貴累封太師樂平郡王后本欽聖殿押班徽宗為端王每日朝慈德宮欽聖命鄭王二押班供侍及即位遂以二人賜之后自入宮好觀書章奏能書篆書其才崇寧初封賢妃遷嘗延有異寵徽宗多書以詞章天下歌

之王皇后崩政和元年春三月皇后將受冊有司創製
 冠服后言國用未足冠衣重疊請命工改製妃特舊
 冠又乞罷黃屋此乃舊制後遂從之恩澤皆弗陳
 請時族子居宇在樞府后奏其歲不當預國政必欲
 用之且令充妃職帝為罷居宇居中復用后歸寧還
 言居中與父紳相往還人皆言其記權市賄乞禁絕
 許御史奏劾后性端謹善順承帝意劉貴妃薨帝思
 之不已將追冊為后后即奏然乃其養子乞別議褒
 崇之禮帝大喜欽宗受禪尊為太上皇太后遷居寧德
 宮稱寧德太后從上皇幸南京金師退先歸時用事

者言上皇幸鎮江人情危駭或謂后將由端
 門直入禁中內侍輩頗勸欽宗嚴備帝不從出郊迎
 后於是兩宮歡甚洛上皇聞之即罷如洛之議汴京
 破從上皇幸青城北遷留五年崩于五國城年五十
 二紹興七年何蘇等使還始知上皇及后崩高宗大
 慟詔立重成服謚顯肅后親蒸各遷官有差祠主徽
 宗室以聞哀日為大忌梓宮歸入境承之以蘇約章
 衣其中與徽宗合殯于會稽永佑陵先是后至金營
 訴于粘罕曰妾得罪當行但妾家屬不預朝政乞留
 不遣粘罕許之故紳得歸后既行紳亦以是年薨謚

四百令分
僖靖家屬流寓江南高宗憐之詔所在尋訪賜官有
鄭溥者后近屬也紹興中帶御器撤用后祈廟恩拜
隴州防禦使凡四使金歷官至保信軍節度使加太
尉卒追封祭國公謚端靖

王貴妃與鄭后俱為押班徽宗立封平昌郡君進位
至貴妃生鄆王楷享王植陳三機惠淑康淑順德宗
福冲懿帝姬政和七年九月薨謚曰懿肅

韋賢妃開封人高宗母也初入宮為侍御崇寧未封
平昌郡君大觀初進婕妤累遷婉容高宗在康邸出
使進封龍德宮賢妃從上皇北遷建炎改元進尊為

宣和皇后封其父安道為郡子官親屬三十人由是
遣使不絕紹興七年徽宗及鄭皇后崩聞至帝號慟
諭輔臣曰宣和皇后春秋高朕思之不遑寧處履已
講和正為此耳翰林學士朱震引唐建中故事請進
尊為皇太后從之已而太常少卿吳表臣請依嘉祐
治平故事俟三年喪畢然後舉行乃先降御札播告
天下后三代俱追封三帝以后久未歸每慶慶曰金
人若從朕請祭皆非所問也王倫使回言金人許歸
后未幾金人遣蕭華來亦言后將歸狀遂豫作嘉禧
宮命其將禮祭為奉迎使十年以金人猶未歸后乃

進上皇太后開寶於慈寧殿是後生辰至朔皆進行
賀禮洪皓在燕求得片書遺李權持歸帝大喜曰遣
使百輩不如一言遂加徽官金人遣蕭毅邢具瞻來
議和帝曰朕有天下而養不及親穆宗無及矣今立
誓信當明言歸我太后朕不耻和不燕朕不憚用兵
毅等曰帝又詔之曰太后果還自當謹守誓約如其
未也雖有誓約徒為虛文命何鑄曹勛報謝召至內
殿諭之曰朕北望庭闈無淚可揮卿見金主當曰慈
親之在上國一老人身在本國則所繫甚重以至誠
說之庶彼有感動鑄等至金國首以右歸為請金主

曰先朝業已如此豈可輒改勛再三懇請金主始允
鑄等就館館伴耶律紹文來言金主許從所請洪皓
聞之先遣人來報鑄等還具言其實遂命參政王次
翁為奉使金人遣其臣高居安完顏宗賢等為使
以行十二年四月次燕山自東平徧由清河至楚州
既渡淮命太后弟安樂郡王三子滿濟魯國大長公主
吳國長公主迎于道帝親至臨平奉迎普安郡王宰
執兩省三衙管軍官總兵初見太后喜極而泣八月
至臨安入居慈寧宮先是以禱官不還詔中外嚴祭
至是慶太后壽節始用樂謁宗廟親屬遣官錢二千

天太后聰明有智慮初金人許還三持宮太后恐其
反覆呼役者畢集然後起攢時方暑金人傳行太后
慮有他變乃陽稱疾須秋涼進發已而稱貸于金使
得黃金三千兩以犒其衆由是途中無間言太后在
北方聞韓世忠名次臨平呼世忠至簾前慰勞禮官
帝侍太后或至夜分未去太后曰日休矣聽朝宜早
恐妨萬幾又嘗謂兩宮給便宜令通用不然則有彼
我之分而使人間言易以入也時皇后未立太后屢
為帝言帝請降手書太后曰我但知家事外庭非所
當預將行冊命承平典禮悉能記之帝先意承志惟

恐不及或一食稍減輒不勝憂懼常戒宮人曰太后
年已六十惟優游無事起居適意即壽考康寧事有
所闕慎毋令太后知第來白朕十九年太后年七十
正月朔即宮中行慶壽禮親屬各遷官一等太后微
恙累月不出殿門會牡丹盛開帝入白太后欣然步
至花所因留宴竟日盡歡翌日以諭宰執后言日疾
募得醫皇甫坦治即愈二十九年太后壽登八十復
行慶禮親屬進官一等慶人年九十宗子女若貢士
已上父母年八十者悉官封之九月得疾上不視朝
教輔臣祈禱天地宗廟社稷赦天下減租稅俄崩于

慈寧宮謚曰顯仁攢于永佑陵之西祠神主太廟徽
宗室親屬進秩者十四人授官者三人太后性節儉
有司進金唾壺太后易令用塗金宮中賜予不過三
數千所得供進財帛多積於庫至是喪葬之費皆佈
給焉然好佛老初高宗出使有小妾言見四金甲人
執刀劍以衛太后曰我祠四聖謚宜必其陰助朕北
遷常設祭及歸立祠西湖上

喬貴妃初與高宗母章妃俱侍鄭白王后結為姊妹約
先貴者毋相忘既而貴妃得幸徽宗遂引章氏二人
愈相得二帝北遷貴妃與章氏俱至是章妃將還貴

妃以金五十兩贈高居安曰薄以物不足為禮願好護
送姊還江南復舉酒酌章氏曰姊可善重保護歸即為
皇太后妹無還期終死於朔漠矣遂大慟以別

劉貴妃其出軍徵入宮即大幸由才人七遷至貴妃
生濟陽郡王楨祁王摸信王據政和三年秋薨先是
妃手植芭蕉於庭曰是物長吾不及見矣已而果然
左右奔告帝帝初以其徵疾不經意趣幸之已薨矣
始大悲惻特加四字謚曰明達懿文叙其平生絃諸
樂府又欲踵溫成故事進崇使皇后表請因冊贈為
后而以明達謚焉特又有安妃劉氏者本酒保家女

初事崇恩宮宮罷出居宦者何訢家內侍揚殿署其
養復召入妃以同姓養為女遂有寵為才人進至淑
妃生懷安郡王禕嘉國公禕和福帝妃政
和四年加貴妃朝夕得侍上禮愛頗厚禕御為之稀
進擢其父劉宗元節度使妃天資警悟解迎意合旨
雅善塗飾每製一服外間即做之林靈素以技進目
為九華玉真安妃肖其像于神霄帝君之左宣和三
年薨年三十四初謚明節和文旋用明達近比加冊
贈為皇后葬其園之西北隅帝悼之甚後宮皆往唁
帝相與啜酒在妃獨左視無戚容帝悲恚疑其為厭

蠶卜者劉康孫緣妃以進喜宴談休咎捕送開封獄
醫曹孝忠侍疾無狀閤內侍王堯臣坐盜金珠及出
金明池游宴事併鞫治獄成同日誅死遂廢崔妃為
庶人崔生漢王椿及帝姬五人云

欽宗朱皇后開封祥符人父伯材武康軍節度使欽
宗在東宮徽宗臨軒備禮冊為皇太子妃欽宗即位
立為皇后追封伯材為恩平郡王后既北遷不知崩
聞慶元三年上尊號謚仁懷祔于太廟欽宗室推恩
后家十五人五年奉安神御于景靈宮兄二人孝孫
靖康中以節鉞換授右金吾衛上將軍卒贈開府儀

嘉靖丁巳年 宋史列傳卷第二 監生夏愈刑

同三司孝章一曰孝在官至永慶軍承宣使卒贈昭化軍節度使

高宗憲節邢皇后開封祥符人父煥朝請郎高宗居康邸以婦聘之封嘉國夫人王出使夫人留居蕃衍宅金人犯京師夫人從三宮北遷上皇遣曹勛歸夫人脫所御金環使內侍持付勛曰幸為吾白太王願如此環得早相見也王憐之及即位遙冊為皇后官后親屬二十五人紹興九年崩于五國城年三十四金人秘之高宗虛中宮以待者十六年顯仁太后回鑾始得崩聞上為輟朝行釋服之祭謚懿節祔主

于別廟紹興十二年八月后梓宮至擯于聖獻太后梓宮之西北帝思后殊慘不樂皇后吳氏知帝意乃請為其姪珣瑒婚邢氏二女以慰帝心淳熙末改謚憲節祔高宗廟

憲聖慈烈吳皇后開封人父近以后貴累官武翼郎贈太師追封吳王謚宣靖近嘗夢至一亭扁曰侍康傍植芍藥獨放一花殊妍麗可愛花下白羊一近寤而異之后以乙未歲生方產時紅光徹戶外年十四高宗為康王被選入宮人謂侍康之徵王即帝位后常以戎服侍左右后頗知書從幸四明衛士謀為變

入問帝所在后給之以免未幾帝航海有魚躍入御舟后曰此周人白魚之祥也帝大悅封和義郡夫人還曰進封才人后益博習書史又善翰墨由是寵遇日至與張氏並為婉儀尋進貴妃顯仁太后回鑾亦愛后憲節皇后崩聞至秦檜等累表請立中宮太后亦為言紹興十三年詔立貴妃為皇后帝御文德殿授冊后即穆清殿廷受之追王三代親屬由后官者三十五人顯仁太后性嚴肅后身承起居順適其意嘗繪古列女圖置坐右為鑒又取詩序之義扁其堂曰賢志初伯琮以宗子召入宮命張氏育之后時為

才人亦請得育一子於是得伯攻更名璩中外議頗籍籍張氏卒併育于后后視之無間伯琮性恭儉喜讀書帝與后皆愛之封普安郡王后嘗語帝曰普安其天日之表也帝意決立為皇子封建王出璩居紹興高宗內禪手詔后稱太上皇后遷居德壽宮孝宗即位上尊號曰壽聖太上皇后月朔朝上皇畢入見后如宮中儀乾道七年加號壽聖明慈淳熙二年以上皇行慶壽禮復加壽聖齊明廣慈之號十年以后年七十親屬推恩有差十二年加尊號曰備德上皇崩遺詔改稱皇太后帝欲迎還大內太后以上皇凡

延在德壽宮不忍舍去因名所御殿曰慈福居焉光宗即位更號壽聖皇太后以壽皇故不稱太皇太后也帝嘗言及用人后曰宜崇尚舊臣紹熙四年后壽八十帝乃覲后奉冊禮加尊號曰隆慈備福五年正月帝率群臣行慶壽禮嘉王侍側后勉以讀書辨邪正立綱常為先夏孝宗崩始正太皇太后之號時光宗疾未平不能執喪宰臣請垂簾主喪事后不可已而宰執請如唐肅宗故事群臣發喪太極殿成服禁中許之后代行祭奠禮尋用樞密趙汝愚請於梓宮前垂簾宣光宗手詔立皇子嘉王為皇帝翌日冊夫

人韓氏為皇后撤簾慶元元年加號光祐遷居重華宮汝愚後以謫死中書舍人汪義端目汝愚為李林甫欲併逐其黨太后聞而非之三年十月后寢疾詔禱天地宗廟社稷大赦天下踰月而崩年八十三遺誥太上皇帝疾未痊瘡宜於宮中承重皇帝服齊衰五月以日易月詔服朞年喪謚曰憲聖慈烈攢祔于永思陵

潘賢妃開封人元懿太子母也父永壽直翰林醫局官高宗居康邸時納之邢后北遷妃未有位號帝即位將立為后吕好問諫止之立為賢妃太子薨從隆

祐太后于江西踰年還紹興十八年薨永壽贈太子少師

張賢妃開封人建炎初為才人有寵進婕妤帝欲擇宗室子養禁中輔臣問帝以宮中可付託者誰耶帝曰已得之矣意在婕妤已而伯琮入宮年尚幼婕妤與潘賢妃吳才人方環坐以觀其所向時賢妃新失皇子意忽忽不樂婕妤手招之遂向婕妤好帝因命婕妤好母之是為孝宗尋遷婉儀十二年卒上為輟朝二日贈賢妃第萃閣門宣贊舍人妃薨遷秩二階

容紹興二十四年進賢妃頗恃寵驕侈嘗因盛夏以水晶飾脚踏帝見之命取為枕妃懼撤去之得無十年薨父懋累官昭慶軍節度使金人南侵獻錢二萬緡以助軍與費懋子允升紹興末為和州防禦使知閣門事奉使還遷荊州防禦使福州觀察使劉婉儀初入宮封宜春郡夫人尋進才人與劉婉容俱被寵進婉儀後遷婉儀特恩招權嘗遣人諷廣州蕃商獻明珠香藥許以官詔翰林李深言于朝詔止其獻金人將攻盟劉端王與三賢王繼先從中沮之因謀誅錡帝不憚一日在禁中嘗以有德色婉儀陰訪

得其言以宣帝意帝曰善言合諸之機儀急
具以實對帝太妃託以過宮之兄仇累官和州防
禦使知閤門事然儀既廢乃以和州歸

張貴妃開封祥符人初入宮封永嘉郡夫人乾道六
年進婉容淳熙七年封太上皇淑妃十六年進貴妃
紹熙元年薨美人楊氏亦入朝氏具氏李氏王氏俱
被寵幸後皆廢具氏中宮近屬也紹興三十年復故
封李氏王氏俱明臨淳熙末上皇愛之及崩憲聖后
見二才人每感憤孝宗即追告命許自便蓋非常制
云

孝宗成穆郭皇后開封祥符人奉直大夫直卿之女
孫其六世祖為章穆皇后外家孝宗為普安郡王時
納郭氏封咸寧郡夫人生光宗及莊文太子情親惠
憲王愷邵悼肅王恪紹興二十六年薨年三十一追
封淑國夫人三十一年用明憲恩贈福國夫人既建
太子追封皇太子妃受冊追冊為皇后謚恭懷專
改安穆及營阜陵又改成穆為穆宗廟父城累官昭
慶軍承宣使追封宋王字宗信郭氏恩禮彌厚然不
假外戚以官爵而進師元官不過承宣使師元
不及建節而卒

至太保封永寧郡王

成恭夏皇后柔州宜興人。年十四為吉水簿夏氏。初入官為憲聖太后中侍。後遷中書省。郭夫人郭氏。嘉夫后以夏氏賜三封。齊安郡夫人。即位進賢妃。踰年奉土皇命立為皇太后。乾道二年。講家廟親屬推恩。十一月。三年崩。謚安恭寧宗時改謚成恭。初后之主也。有異光穿室。父協音之及長。以姿納宮中。久之父居益困。及歸。客表之僧舍。號夏翁。前二后始言訪得。其弟執中補承信郎。閤門祇候。未幾遷右武郎。閤門宣贊舍人。累遷奉國軍節度使。提舉萬壽觀寧宗即位。加少保。踰年卒于家。初執中與其微時妻至。官人諷使出之。擇配貴族。欲以媚后。執中弗為動。他日。后親為言。執中誦宋弘語以對。后不能奪。既貴。始從師學作大字。頗工。復善騎射。高宗行慶壽禮。近戚爭獻珍環。執中獨大書一人有慶萬壽無疆。以獻。高宗喜。錫賚甚渥。嘗為館伴。副使連射皆命中。金人駭服。孝宗聞其才。將召用之。謝曰。他日無累陛下保全足矣。人以此益賢之。

成肅。諱皇后丹陽人。幼孤。繼於翟氏。因冒姓焉。及長。被選入宮。憲聖太后以賜普安郡王。封咸安郡夫人。

王即位進婉容踰年進貴妃成恭皇后崩中宮虛位
淳熙三年妃侍帝過德壽宮上皇諭以立后意尋遣
張去為傳旨立貴妃為皇后復姓謝氏親屬推恩者
十人光宗受禪上尊號壽成皇后孝宗崩尊為皇太
后慶元初加號惠慈嘉奉二年加慈佑太皇太后三
年崩謚成肅攢祔于永阜陵后性儉慈戒膳羊每食
必先以進御服澣濯衣有數年不易者弟淵以后貴
授武翼郎后嘗戒之曰主上化行恭儉吾亦躬服澣
濯爾宜崇謙抑遠驕侈後歷閣門宣贊舍人帶御器
祓光宗朝遷果州團練使寧宗立轉萊州防禦使擢

知閣門事仍幹辦皇城司三遷至保信軍節度使尋
加太尉開府儀同三司成肅皇后崩遺詔賜淵錢十
萬緡金二千兩田十頃僦緡日十千後累陞三少封

和國公嘉定四年薨贈太保

蔡貴妃初入宮為紅霞帳封和義郡夫人進婉容淳

熙十年冬拜貴妃十二年秋薨父滂宜春觀察使

李賢妃初入宮為典字轉通義郡夫人進婕妤淳熙

十年卒贈賢妃時李燾在經筵嘗諫省後宮費帝曰

朕老矣安有是近幸李妃用三萬緡耳帝雖在位久

後宮寵幸無著聞者

光宗慈懿李皇后安陽人慶遠軍節度使贈太尉道
之中女初后生有黑鳳集道營前石上道心異教字
后曰鳳娘道師湖北闡道士皇甫坦善相人乃出諸
女拜坦坦見后驚不敢受拜曰此女當母天下坦言
於高宗遂聘為恭王妃封榮國夫人進定國夫人乾
道四年生嘉五七年立為皇太子妃性妬悍嘗訴太
子左右於高孝二宮高宗不憚謂皇后曰是婦將種
吾為皇甫坦所誤孝宗亦屢訓后宜以皇太后為法
不然行當廢汝后疑其說出於太后及太子即位冊
為皇后光宗欲誅宦者近習皆懼遂謀離間三宮會

帝得心疾孝宗購得良藥欲因帝至宮授之宦者遂
訴於后曰太上合藥一大丸俟宮車過即投藥萬一
有不虞其奈宗社何后覘藥實有心銜之頃之內宴
后請立嘉王為太子孝宗不許后曰妾六禮所聘嘉
王妾親生也何為不可孝宗大怒后退持嘉王泣訴
于帝謂壽皇有廢立意帝惑之遂不朝太上帝嘗宮
中浣手睹宮人手白悅之他日后遣人送食合于帝
啓之則宮人兩手也又黃貴妃有寵因帝親郊宿齋
宮后殺之以暴卒聞是夕風雨大作黃壇燭盡滅不
能成禮帝疾由是益增劇不視朝政事多決於后矣

后益驕奢封三代為王家廟逾制衛兵多於太廟后歸謁家廟推恩親屬二十六人使臣一百七十二人下至李氏門客亦奏補官中興以來未有也是時帝久不朝太上中外疑駭紹興四年九月重明節宰執侍從臺諫連章請帝過宮給事中謝深甫言父子至親天理昭然太上之愛陛下亦猶陛下之愛嘉王太上春秋高千秋萬歲後陛下何以見天下帝感悟趣命駕朝重華宮是日百官班列俟帝出至御屏后挽留帝入曰天寒官家且飲酒百僚侍衛相顧莫敢言中書舍人陳傅良引帝裾請毋入因至屏後后叱曰

此何地爾秀才欲斫頭邪傅良下殿慟哭后復使人問曰此何理也傅良曰子諫父不聽則號泣而隨之后益怒遂傳旨罷還宮其後孝宗崩帝不能親執喪宰相趙汝愚謀內禪立寧宗尊后曰太上皇后上尊號曰壽仁慶元六年崩年五十六謚慈懿

黃貴妃淳熙末在德壽宮封和義郡夫人光宗為皇太子傍無侍姬上皇以夫人賜之遂專寵即位拜貴妃紹熙二年冬十一月為皇后李氏所殺帝聞而成疾又有張貴妃亦舊侍東宮次婕妤符氏後出嫁於民間

寧宗恭淑韓皇后相州人其六世祖為忠獻王琦初
后與姊俱被選入宮后能順適兩宮意遂歸平陽郡
邸封新安郡夫人進崇國夫人王受禪冊夫人為皇
后后父同卿由知泰州陞揚州觀察使母莊氏封安
國夫人慶元六年崩謚恭淑同卿累遷慶遠軍節度
使加太尉慶元五年卒贈太師謚恭靖同卿季父侂
冑自以有定策功聲勢熏灼同卿每懼滿盈不敢干
政時天下皆知侂冑為后族不知同卿乃后父也同
卿沒一年而后崩侂冑竟敗人始服其善遠權勢云
同卿子瑛后兄也官至承宣使

恭聖仁烈楊皇后少以姿容選入宮忘其姓氏或云
會稽人慶元元年三月封平樂郡夫人三年四月進
封婕妤有楊次山者亦會稽人后自謂其兄也遂姓
楊氏五年進婉儀六年進貴妃恭淑皇后崩中宮未
有所屬貴妃與曹美人俱有寵韓侂冑見妃任權術
而曹美人性柔順勸帝立曹而貴妃頗涉書史知古
今性復機警帝竟立之次山客王夢龍知其謀密以
告后后深銜之與次山欲因事誅侂冑會侂冑議用
兵中原俾皇子曦入奏侂冑再啓兵端將不利於社
稷帝不答后從傍贊之甚力亦不答恐事泄俾次山

擇廷臣可任者與共圖之禮部侍郎史彌遠素與侂
曾有隙遂欣然奉命參知政事錢象祖嘗諫用兵貶
信州彌遠乃先告之禮部尚書衛湜著作郎王居安
前右司郎官張鎡皆預其謀開熙三年十一月三日
侂胄方早朝彌遠密遣中軍統制夏震伏兵六部橋
側率健卒擁侂胄至玉津園槌殺之復命彌遠象祖
等俱赴延和殿以殛侂胄聞帝不之信越三日帝猶
謂其未死蓋是謀悉出中宮及次山等帝初不知也
后既誅侂胄彌遠日益貴用事嘉定十四年帝以國
嗣未定養宗室子貴和立為皇子賜名竑彌遠為水

相既信任於后遂專國政竑漸不能平初竑好琴彌
遠買美人善琴者納之而私厚美人家令伺皇子動
靜竑嬖之一日竑指輿地圖示美人曰此瓊崖州也
他日必且史彌遠於此地美人以告彌遠竑又書字
於几曰彌遠當決配八千里竑左右皆彌遠腹心走
白彌遠彌遠大懼陰蓄異志欲立他宗室子昀為皇
子遂陰與昀通十七年閏八月丁酉帝大漸彌遠夜
召昀入宮后尚未知也彌遠遣后兄子谷及石以廢
立事白后后下可曰皇子先帝所立豈敢擅變是夜
凡七往反后終不聽谷等乃拜泣曰內外軍民皆已

歸心苟不立之禍變必生則楊氏無噍類矣后默然
良久曰其人安在彌遠等召取入后拊其背曰汝今
為吾子矣遂矯詔廢竑為齊王立昀為皇子即帝位
尊皇后曰皇太后同聽政寶慶二年十一月戊寅加
尊號壽明紹定元年正月丙子復加慈睿四年正月
后壽七十帝率百官朝慈明殿加尊號壽明仁福慈
睿皇太后十二月辛巳后不豫詔禱祠天地宗廟社
稷宮觀赦天下五年十二月壬午崩于慈明殿壽七
十有一謚恭聖仁烈次山官至少保封永陽郡王次
山二子谷封新安郡王石末寧郡王自有傳姪孫鎮

尚理宗女周漢公主官至左領軍衛將軍駙馬都統
宗族鳳孫等皆仕通顯云

理宗謝皇后諱道清天台人父渠伯祖深甫后生而
薰黑鬢一目渠伯早卒家產益破壞后嘗躬親汲澆
初深甫為相有援立楊太后功太后德之理宗即位
議擇中宮太后命選謝氏諸女后獨在室兄弟欲納
入宮諸父擗伯不可曰即奉詔納女當厚奉資裝異
時不過一老宮婢事奚益會元夕縣有鵲來巢燈山
衆以為后妃之祥擗伯不能止乃供送后就道后旋
病疹良已膚脫瑩白如玉醫又藥去目醫時賈涉女

有殊色同在選中及入宮理宗意欲立賈太后曰謝
女端重有福宜正中宮左右亦皆竊語曰不立真皇
后乃立假皇后邪帝不能奪遂定立后初封通議郡
夫人寶慶三年九月進貴妃十二月冊為皇后后既
立賈貴妃專寵貴妃薨閭貴妃又以色進后慶之裕
如畧不介懷太后深賢之而帝禮遇益加焉開慶初
大元兵渡江理宗議遷都平江慶元后諫不可恐益
動民心乃止理宗崩度宗立咸淳三年尊為皇太后
號壽和聖福進封三代父梁伯魏王祖深甫曾祖景
之皆魯王宗族男女各進秩賜封賈齊有差度宗崩

瀛國公即位尊為太皇太后后年老且疾大元
請垂簾同聽政疆之乃許加封五代太后以兵興費
繁痛自裁節汰慈元殿提舉已下官省泚素錢縉月
萬平章賈似道兵潰陳宜中上疏請正其罪太后曰
似道勤勞三朝豈宜以一旦罪而失遇大臣禮先削
其官後乃實法貶死京朝官聞難往往避匿遁去太
后命揭榜朝堂曰我國家三百年待士大夫不薄吾
與嗣君遭家多難爾小大臣不能出一策以救時難
內則群官離次外則委印棄城避難偷生尚何人為
亦何以見先帝於地下乎天命未改國法尚存凡在

官守者尚書省即與轉一資負國逃者御史覺察以
聞德祐元年六月朔日食既太后削聖福以應天變
丞相三燭老病陳宜中留夢炎庸懦無所長日坐朝
堂相爭決而張世傑兵敗於焦山宜中棄官去太后
累召不至遺書宜中毋使勉之十月始還朝太后又
親為書召復貴等兵曰吾母子不足念獨不報先帝
德乎貴等亦罕有王者是月大元兵破常州太后遣
陸秀夫等請和不從宜中即率公卿請遷都太后不
許宜中痛哭固請不得已從之明日當啓行而宜中
倉卒失奏於是宮車已駕日且暮而宜中不至太后

怒而止明年正月更命宜中使軍中約用臣禮宜中
難之太后涕泣曰苟存社稷臣非所較也未幾大元
兵薄阜真山宜中宵遁文武百官亦潛相引去二月
辛丑大軍駐錢塘宋亡瀛國公與全后入朝太后以
疾留杭是年八月至京師降封壽春郡夫人越七年
終年七十四無子兄奕宋時封郡王姪堂兩浙鎮撫
大使尚榮郡公主暨皇並節度使端平初頗干國政
云

度宗全皇后會稽人理宗母憲憲夫人姪孫文也略
涉書史幼從父昭孫知岳州開慶初秩滿歸道潭州

時大元兵自羅鬼入破全衛求桂園漳州人有見神
人衛城者已而潭獨不下逾年事平三臨安會忠王
義納妃初丁大全請選知臨安府願當文已致聘矣
大全駭品亦能去臺臣論品大全嘗嘗別選名族以
配太子臣僚遂言全氏侍其父昭穆程返江湖備嘗
艱險其處貴富必能盡警戒相成之道理宗以母慈
憲故乃詔后入宮問曰爾父昭孫昔在寶祐間沒於
王事每念之令人可哀后對曰妾父可念淮湖之民
尤可念也帝深異之語大臣曰全氏文言辭甚令宜
配家嫡以承祭祀景定二年十一月詔封永嘉郡夫

人十二月間為皇太子妃弟求堅等補承信郎直秘

閣度宗立咸淳三年正月間為皇后追贈一代賜家

廟第宅弟清夫庭輝等一十五人各轉一官五年三

月后歸寧推恩姻族五十六人進一秩咸平郡夫人

今氏三十二人各特封有差后生子不育次生瀛國

公十年度宗崩瀛國公立間為皇太后宋亡從瀛國

公入朝于燕尔後為尼正智寺而終

楊淑妃初選入宮為美人咸淳二年進封淑妃推恩

親屬幼節等三十四人進秩有差生建國公是宋亡

是走温州又走福州眾推為主間妃為太后封景昌

衛王昌修容俞氏所生也至元十四年六月軍圍昱於海上明年四月昱卒昌代立十六年春二月昌殺海近妃聞之大慟曰我棄關忍死者正為趙氏祭祀尚
有可望爾今天命至此夫復何言遂赴海死其將張世傑葬之海濱

列傳卷第二

列傳卷第三

宋史二百四十四

關將曹司在... 黎

宗室一

魏王廷美

燕王德昭

秦王德芳 秀王子無附

昔周之初興大封建宗室及其東遷晉鄭有同獎之功然其衰也輔弱而枝強後世於是有矯其失者而封建不復古矣宋承唐制宗王權祿即裂土而爵之然名存實亡無補於事降五顯屬宗正有籍玉牒有

名宗學有教郊祀明堂遇國慶與皆有祿秩所寓州縣月有廩餼至於宗文通人亦有恩數然國祚既長世代浸遠恒產豐約去立庶之求無甚相遠者靖康之亂諸王駢首以弊於金人之虐論者咎其無封建之實故不獲維城之助焉雖然東都之仁宗南渡之高寧元良虛位立繼小宗六策一定平無動搖磐石之固亦可知矣且宋於宗室稍有过差君臣之間不容於改元不憚於一言涪陵武功真宗即位尋議追復改葬封其子孫濮尊稱王者惟務務非不少避忘宋末濟郊國事將亡諫疏不息必褒卹而後止是蓋歷代之所難得者歟表而出之作宗室傳

魏悼王廷美字文化本名光美太平興國初改今名太祖兄弟五人兄光濟早亡宋興追封魯王改曹王弟光義即太宗次廷美次光贊幼亡追封夔王改岐王建隆元年授廷美嘉州防禦使二年遷興元尹山南西道節度使乾德一年加同中書門下平章事開寶六年加檢校太保侍中京兆尹永興軍節度使太宗即位加中書令開封府尹封齊王又加檢校太師從征太原進封素王七年二月或告秦三廷美屬盜將有陰謀竊發上不忍暴其事遂罷廷美開封尹授西

京留守賜襲衣通犀帶錢千萬緡縹緗各萬匹銀萬
兩西京甲第一區詔樞密使曹彬餞廷美於瓊林苑
以太常博士王通判河南府事開封府判官閻知判
留守事以如京使柴禹錫為宣徽北院使兼樞密副
使楊守一為東上閤門使充樞密都承旨賞其告廷
美陰謀功也左衛將軍樞密承旨陳從龍為左衛將
軍皇城使劉知信為右衛將軍弓箭庫使惠廷直為
商州長史禁軍列校皇甫繼明責為汝州馬步軍都
指揮使定人王榮為濮州教練使皆坐交通廷美及
受其燕犒也榮未行或又告榮嘗與廷美親吏狂言

我不久當得節帥坐削籍流海島會趙普再相廉得
慮多遜與廷美交通事上聞上怒責授多遜兵部尚
書下御史獄捕繫中書守堂官趙白秦府孔目官閻
寧小吏王繼勳樊德明趙懷祿閻懷忠等命翰林學
士承旨李昉學士扈蒙衛尉卿崔仁冀膳部郎中兼
御史知雜滕中正雜治之多遜自言累遣趙白以中
書機事密告廷美去年九月中又令趙白言於廷美
云願宮車晏駕盡力事太王廷美遣樊德明報多遜
云承旨言正會我意我亦願宮車早晏駕私遣多遜
弓箭等多遜受之閻密初給事廷美上即位補殿直

仍諫秦王府恣橫不法言多指斥王繼勳尤為廷美
親信嘗使求訪聲妓怙勢取貨贓污狼籍樊德明素
與趙白遊處多遜因之以結廷美廷美又遣趙懷祿
私召同母弟軍器庫副使趙廷俊與語閻懷忠嘗為
廷美請淮海王錢俶求犀玉帶金酒器懷忠受俶私
遺白金百兩金器編扇等廷美又嘗遣懷忠齎銀盤
錦綵羊酒詣其妻父御前忠佐馬軍都軍頭開封潘
濬管燕軍校至是皆伏罪詔文武常參官集議朝堂
太子太師王溥等七十四人奏多遜及廷美顧望呪
詛大逆不道宜行誅滅以正刑章趙白等處斬詔削

奪多遜官爵并家屬流崖州廷美勒歸私第趙白閻
密王繼勳樊德明趙懷祿閻懷忠皆斬於都門外籍
其家財詔秦王廷美男女等宜正名稱貴州防禦使
德奉等仍為皇姪皇姪文適韓氏去雲陽公主之號
右監門將軍韓崇業降為右千牛衛率府率仍去駙
馬都尉之號並發遣西京就養廷美居止五月聚西京
留守判官閻矩為涪州司戶參軍前關封推官孫煥
為鞏州司戶參軍皆秦王廷美官屬坐輔導無狀也
廷美以廷美謫居西洛非便復教知開封府李符上
言廷美不悔過怨望乞徙遠郡以防他變詔降廷美

為涪陵縣公房州安置妻楚國夫人張氏削國封命
崇儀使閻彥進知房州監察御史袁廓通判州事各
賜白金三百兩八年正月涪陵縣公廷美母陳國夫
人耿氏卒雍熙元年廷美至房州因憂悸成疾而卒
年三十八上聞之嗚咽流涕謂宰相曰廷美自少剛
愎長益凶惡朕以同氣至親不忍寘之於法俾居房
陵與其思過方欲推恩復舊遽茲殞逝痛傷奈何因
悲泣感動左右遂下詔追封廷美為涪王謚曰悼為
發哀成服其後太宗從容謂宰相曰廷美母陳國夫
人耿氏朕乳母也後出嫁趙氏生廷俊朕以廷美故

令廷俊屬韃左右而廷俊泄禁中事於廷美邇者鑿
西池水心殿成橋梁未備朕將泛舟往焉廷美與左
右謀欲以此時竊發不果即詐稱疾於邸俟朕臨省
因而為變有告其事者若命有司窮究則廷美罪不
容誅朕不欲暴揚其醜及盧多遜交通事發止令居
守西洛而廷美不悔過益怨望出不遜語始命遷房
陵以全宥之至於廷俊亦不加深罪但從貶宥朕於
廷美蓋無負美言未訖為之惻然李昉對曰涪陵悖
逆天下共聞西池禁中事若非陛下委曲宣示臣等
何由知之初昭憲太后不豫命太祖傳位太宗因顧

謂趙普曰爾同記吾言不可違也命普於榻前為約誓書普於紙尾書云臣普書藏之金匱命謹密宮人掌之或謂昭憲及太祖本意蓋欲太宗傳之廷美而廷美復傳之德昭故太宗既立即令廷美尹開封德昭實稱皇子德昭不得其死德芳相繼天絕廷美始不自安已而柴禹錫等告廷美陰謀上召問普普對曰臣願備樞軸以察姦變退復密奏臣忝舊臣為權倖所沮因言昭憲太后顧命及先朝自愬之事上於宮中訪得普前所上章并發金匱得誓書遂大感悟召普謂曰人誰無過朕不待五十已盡知四十九年

非矣辛亥以普為司徒兼侍中他日太宗嘗以傳國之意訪之趙普普曰太祖已誤陛下豈容再誤邪於是廷美遂得罪凡廷美所以遂得罪普之為也至道初命司門員外郎孫贖為皇姪諸孫教授廷美諸子之在京者肄業焉真宗即位追復皇叔涪王廷美西京留守檢校太師兼中書令河南尹秦王張氏楚國夫人咸平二年閏三月詔擇汝鄧地改塋汝州梁縣之新豐鄉仁宗即位贈太師尚書令徽宗即位改封魏王子十人德恭德隆德彛德雍德鈞德欽德潤德文德愿德存故事皇族封王者物故則本宮之長封

國公其後以次受封於是德鈞子承簡屬最長襲封
徐國公官至保康軍留後贈彰化軍節度使安定郡
王謚和懿承簡既薨德雍子承亮襲封昌國公神宗
即位拜感德軍節度使改封榮熙寧二年詔宣祖太
祖太宗之子皆擇其後一人為宗世世封公以奉其
祀不以服屬盡故殺其恩禮三年太常禮院言本朝
近制諸王之後皆用本宮最長一人封公繼襲去年
詔祖宗之子皆擇其後一人為宗世世封公即與舊
制有異按禮文諸王公侯伯子男皆子孫承嫡者傳
襲若無嫡子及有罪疾立嫡孫無嫡孫以次立嫡子

同母弟無母弟立庶子無庶子立嫡孫同母弟無同
母弟立庶孫曾孫以下準此合依禮令傳嫡承襲詔
可乃以承亮為秦國公奉秦王廷美祀明年薨贈樂
平郡王謚曰恭靜子克愉嗣克愉卒子叔牙嗣元符
三年改今封德恭字復禮太平興國四年以皇子出
閣拜貴州防禦使廷美徙房陵諸子悉從行因免官
廷美卒復以德恭為峯州刺史弟德隆為瀘州刺史
韓崇業為靜難行軍司馬雍熙元年十二月詔以德
恭為左武衛大將軍封安定郡侯判濟州德隆為右
武衛大將軍封長寧郡侯判沂州諸弟皆隨赴治所

令高品衛紹欽送至州常奉外歲給錢三百萬命起
居舍人韓檢右補闕劉蒙叟分任二州通判上監遣
之曰德恭等始歷郡善裨贊之苟有關失而不力正
止罪爾等端拱元年進封德恭安定郡公淳化四年
改左驍衛大將軍至道二年加左神武大將軍直崇
嗣位就轉左武衛大將軍咸平二年召赴闕改封樂
平郡公判魏州乞表朝請從之遷勝州團練使景德
初改衛州防禦使三年被疾子承慶到股肉食之五
月卒年四十五上臨哭之慟廢朝三日贈保信軍節
度使追封申國公天禧二年從承慶請加贈護國軍

節度使侍中明道二年追封高密郡王謚慈惠子承
慶承壽承慶官至和州團練使率贈武信軍節度使
循國公子六人克繼善世書尤工篆隸宗正薦之仁
宗親臨試及今臨蔡邕古文法寫論語詩書復詔與
士朝分隸石經帝曰李陽冰唐室之秀今克繼朕之
陽冰也訓子弟力學一門登儒科者十有二人嘗進
所集廣韻字源帝稱善藏之秘閣元祐五年以定武
軍節度觀察留後卒贈開府儀同三司建國公謚章
靖承壽終南作坊使贈德州刺史武當侯子四人克
已曉音律嘗作雅樂圖樂曲以獻侍宴大清樓進所

學度世南書賜器加等終右千牛衛大將軍贈涿州防禦使饒陽侯子叔韶字君和慶曆六年與諸宗子帝前臨真宗御書選第一皇祐初進所為文召試學士院中等賜進士及第自太子右監門率府副率遷右領軍衛將軍入謝命坐賜茶仁宗曰宗子好學者頗多獨爾以文章第進士前此蓋未有也朕欲天下知屬籍有賢者宜勿忘所學叔韶頓首謝既退又出九經賜之遷右屯衛大將軍至和中上書求試願劇加領賀州刺史終和州防禦使贈鎮東節度觀察使夜會稽郡公克脩字子莊仁宗為皇子時待出入禁

中侍學故仁宗待遇殊厚帝嘗御大清樓召宗室試書以克脩為善終右神武軍大將軍成州團練使贈同州觀察使馮翊侯子叔充父早世異母弟叔瑁甚幼叔充拊視誨教成人先是繼母無叙封法叔充請於朝詔從之遂為定制藏書至萬卷子九人登科者三卒官唐州防禦使贈崇信軍節度使尹國公謚孝齊遺表祈任子有司格不下子撫之抗章自列乞如外官法朝廷從其請宗室正任有遺恩自此始德隆字日新雍熙三年卒官沂州守年二十三贈寧遠軍節度追封臨沂郡公天禧二年從其子承訓之請加

贈崇信軍節度同平章事承訓官至順州刺史卒贈
深州團練使德彞字可久太祖召鞠於宮中德隆卒
授右千牛衛大將軍封長寧郡侯代兄德隆判沂州
時年十九飛蝗入境吏民請坎瘞火焚之德彞曰上
天降災守臣之罪也乃責躬引咎齋戒致禱既而蝗
自殪儒生乙恕者郊居肄業一日有尸橫舍下所司
捕恕抵獄將寘於法德彞疑其寃命他司按之無異
因令緩刑以俟來幾果獲殺人者恕遂得釋進封郡
公淳化四年為右監門衛大將軍遷左武衛大將軍
改封廣平部民詣闕乞留有詔嘉獎真宗初召還咸

平二年命判滁州與德恭並留不遣三年授徐州刺
史累遷保信軍節度觀察留後大中祥符八年卒年
四十九上臨奠廢朝三日贈信軍節度昭使追封信
都郡王謚安簡明道二年改封潁川子承謨前卒承
矩終莊宅使贈博州刺史承勗至供奉官贈六宅副
使承範承拱並西京作坊使承衍內殿崇班承錫供
奉官德雍字仲達淳化初授右驍衛將軍歷右羽林
龍武二將軍累遷蔡州觀察使咸寧郡公終天平軍
節度觀察留後贈宣德軍節度同中書門下平章事
謚康簡明道中追封廣陵郡王子承睦承亮承睦終

左領軍衛大將軍彭州團練虔州觀察使南康侯承亮封秦國公事見上德鈞字子正性和雅善書翰好為篇什淳化初拜右武衛將軍四遷至右衛將軍景德二年加右監門衛大將軍四年卒贈河州觀察使追封安鄉侯時妻亦卒男女十四人皆幼上甚嗟悼之子承震早卒承緒供奉官承偉承雅承裔承鑑承則並西京作坊使承裕禮賓副使承翊內殿崇班承簡襲徐國公承幹終懷州防禦使贈保靜軍節度使蕭國公子克敦嗜經術以宗正薦召試中選賜錢三十萬元豐間集父承幹遺文以進神宗嘉之詔承幹

父子以藝文儒學名于宗藩宜有褒勸於是追封承幹為東平王而賜克敦敕書獎諭以宣州觀察使卒贈開府儀同三司和國公德欽字丕從淳化元年授右屯衛將軍四遷右羽林將軍景德元年六月卒年三十一贈雲州觀察使追封雲中侯子承遵西京作坊使德潤字溫玉頗好學善為詩淳化元年始授右領軍衛將軍四遷右羽林將軍咸平六年二月卒年三十九贈應州觀察使追封金城侯德文字子砥淳化初授右監門衛將軍累遷滑州觀察使馮翊郡公少好學凡經史百家手自抄撮工為辭章真宗以其

刻勵如諸生嘗因進見戲呼之曰五秀才宮中由是
悉稱之德文本廷美第八子其兄三人早卒故德文
於次為第五也帝封泰山祀汾陰幸亳德文必奏賦
頌帝每賜詩輒令屬和數言願得名士為師友特命
翰林學士楊億與之游億卒為詩十章悼之天聖中
遷橫海軍節度觀察留後拜昭武軍節度使易感德
武勝二軍加同中書門下平章事仁宗嘗稱為五相
公而不名慶曆四年宗室王者四人以德文屬祖且
賢方漢東平王蒼進封東平郡王加兼侍中德文雖
老嗜學不倦晚被足疾不能朝六年薨年七十二初
得疾仁宗臨視親調藥飲之及訃聞帝臨哭贈太尉
中書令申王謚恭裕子六人承顯以王後襲封康國
公官至昭化軍節度使薨年七十四贈太尉樂平郡
王德愿字公謹淳化元年授右千牛衛大將軍二進
秩為左武衛大將軍咸平二年閏三月卒年二十四
贈涼州觀察使追封姑臧侯德存字安世九歲授右
千牛衛將軍歷監門至驍衛從祠泰山領樊州刺史
祀汾陰以恩遷左羽林將軍大中祥符四年六月卒
年三十贈沁州觀察使追封沁陽侯子承衍禮賓副
使

太祖四子長寧王德秀次燕懿王德昭次舒王德林
次秦康惠王德文德秀德林皆早亡徽宗時追賜名
及王封

燕懿王德昭字日新母賀皇后乾德二年出閣故事
皇子出閣即封王太祖以德昭冲年欲其由漸而進
授貴州防禦使開寶六年授興元尹山南西道節度
使檢校太傅同中書門下平章事終太祖之世竟不
封以王爵太宗太平興國元年改京兆尹移鎮永興
兼侍中始封武功郡王詔與齊王廷美自今朝會宜
班宰相之上三年二月娶太子太傅王溥女封韓國

夫人是冬郊祀加檢校太尉四年從征幽州軍中嘗
夜驚不知上所在有謀立德昭者上聞不悅及歸以
北征不利久不行太原之賞德昭以為言上大怒曰
待汝自為之賞未晚也德昭退而自刎上聞驚悔往
抱其尸大哭曰癡兒何至此邪贈中書令追封魏王
賜謚後改吳王又改趙王德昭喜愠不形於色真宗
即位贈太傅乾興初加贈太師子五人惟正惟吉惟
國惟忠惟和慶曆四年追封十五之後以惟忠子從
諱襲封親國公而惟吉子德與王後最長與從
諱同守守異官至和州防知州德昭武成軍節度使楚

國公從藹至齊州防禦使武勝軍節度觀察留後
韓國公守異從藹卒以信惠子從信襲封榮國公官
至雄州防禦使贈保寧軍節度使楚國公從信卒以
惟惠之孫從恪子世規襲封崇國公官至右龍武大
將軍沂州防禦使以卒守異子世清累官茂州防禦
使以本官之長得封中國公熙寧中坐上書請襲曾
祖懿懿王云不當奪一官既而議者是莫說乃遷越
州觀察使襲封越國公進會稽郡王至保信軍留後
愛諸弟作棣萼會於邸中會元豐升附四后受命告
廟方屬疾自刀就事未幾薨贈安化軍節度使開府

儀同三司號王謚恭安子令廡嗣元符三年改今封
先是熙寧中詔封楚康惠王之孫從式為安定郡王
奉太祖祀及從式薨乃以懿王曾孫世準襲封安定
郡王世準從藹子也為人內恕外嚴無綺羅金玉之
好凡天子郊廟必從祀由金州觀察使拜保靜軍節
度使薨年六十八贈開府儀同三司追封成王世開
襲封世開從誨子惟和孫也七八歲日誦萬言既長
學問該洽事後母孝撫孤姪如己子宮官吳申為御
史薦其學行命試學士院累召不赴神宗褒異之召
對便殿論事甚衆時宮僚有缺不即請而以他官攝

故私謁公行宗女當嫁皆富家大姓以貨取不復事
 銓擇世開悉言之帝嘉納欲以為宗正固辭乃進一
 官以其所列著為令官至奉國軍留後薨贈開府儀
 同三司追封信王謚獻敏世雄嗣世雄亦從藹子少
 力學知名熙寧中詔宗子以材能皆表見者官長及
 學官以名上世雄子令鏐在選中嘗請營都宅以處
 踈屬立三舍以訓學者詔用其議置兩京敦宗院六
 宮各建學徽宗即位以世雄於太祖之宗最為行尊
 拜崇信軍節度使襲安定郡王知太宗正事崇寧四
 年薨年七十五贈太尉追封信王謚恭憲世福襲封

世福從信子官至集慶軍節度使薨贈儀王令盪襲
 爵令盪孫康惠三曾孫也惟正天聖七年以久病帝
 欲慰之由保羅節度觀察留以樂安郡公特拜建
 寧軍節度使卒贈侍中追封同安郡王謚信靖無子
 以弟惟恭子從讓為嗣官至左龍武大將軍温州團
 練使坐射殺親事官削官爵幽之別宅從讓少好學
 以剛福廢遂自剄死帝甚悼之贈濟州防禦使濟南
 軍惟吉字國祥母鄭國夫人陳氏惟吉生甫弱月太
 祖命置室內廷擇二女媪養視之或中夜號咷必自
 起視之三歲作語子輕矣道金錢為的俾之戲射十

登八序帝甚奇之五歲日讀書誦詩帝嘗射飛禽一
爲而中惟言從旁雀躍喜甚帝亦喜鑄黃金爲可獸
瑞禽賜之常乘小乘輿及小鞍鞍馬命黃門擁抱出
入常從太祖崩惟言裁六歲晝夜哀號孝章旦后慰
諭再三益進饋病太宗即位猶在禁中日侍中食太
平興國八年始出居東宮授左監門衛將軍封平陽
郡侯加左驍衛大將軍進封安定郡公淳化四年遷
左羽林軍大將軍至道二年授閩州觀察使凡歸第
供億車服賜與皆與諸王埒自餘王子不得偕也真
宗即位授武信軍節度加同平章事時石保言先爲

使相詔惟吉班其上大中祥符初封泰山以疾不從
行詔許疾愈馳詣行在還領鄆州惟吉迎謁上勞問
再三改感德軍節度明年疾復作上屢臨省之親視
灼艾日給御膳爲營佛事三年五月薨時年四十五
廢朝五日贈中書令追封南陽郡侯謚康孝惟吉好
學善屬文性至孝孝章皇后撫養備至親為櫛沐咸
平初以太祖孝章畫像服玩器用賜惟吉歲時奠享
哀慕甚至每誦詩至孝章我篇涕泗交下宗室推其賢
孝雅善草隸飛白真字次爲七卷御製序命藏秘閣
其子守節以父所書真草十文以獻詔書褒答仍付

史館追贈太尉明道二年封真王子守節守約守巽
守度守廉守康守節累遷彰化軍節度觀察留後同
知大宗正事卒贈鎮江軍節度使追封丹陽郡王謚
僖穆子世永世延世永襲邢國公官至鎮南軍留後
熙寧元年薨贈昭信軍節度使南康郡王謚脩孝世
延終右武衛大將軍絳州防禦使贈武寧軍節度觀
察留後彭城郡公守約終內園使康州刺史贈沂州
團練使子世靜世長世靜至左武衛大將軍均州防
禦使卒贈鎮海軍節度觀察留後北海郡公世長終
左武衛大將軍解州防禦使贈張信軍節度觀察留

後濟陽郡公守巽及其子世清事見上守度終左領
軍衛大將軍英州團練使贈廣州觀察使廬江侯守
廉終供備庫副使贈內城庫使守康卒供奉官惟固
字宗幹本名元宗太平興國八年改賜名後左千牛
衛將軍是冬卒惟忠字令德初名文起太平興國八
年賜今名授右千牛衛將軍大中祥符二年進左監門衛
位改右千牛衛大將軍大中祥符二年進左監門衛
大將軍叙州刺史五年進昌州團練使八年卒贈鄂
州觀察使追封江夏侯明道二年加贈彰化軍節度
使追封舒國公子從恪從諱從 來從諱從謹從質從

信從讜從恪累官西染院使奉贈磁州刺史東萊侯
子世規襲封崇國公從諱終從衛大將軍齊州防禦
使贈武勝軍節度觀察留後從諱封韓國公子世豐終
太子右衛率追贈進士及第從諱世雄並安定郡王
從信封榮國公官至梓州防禦使贈保寧軍節度使
楚國公謚安僖子世福襲安定郡王從秉從穎從謹
並禮賓使從質內殿崇班從讜出繼惟正惟和字子
禮端拱元年授右武衛將軍歷右駙衛神武龍武軍
右衛將軍大中祥符元年領澄州刺史四年遷右千
牛衛大將軍六年卒年三十六贈汝州防禦使臨汝

侯明道二年加贈永清軍節度觀察留後追封清源
郡公惟和雅好學為詩頗清麗工筆札優游典籍以
禮法自居宗室推重嘗和御製詩上稱其有理致及
卒上謂宰相王旦等曰惟和好文力學加之謹愿皇
族之秀也不幸短命嗟悼久之至於泣下錄其藁二
十二軸上親製序藏于秘閣子從審從誨從審終復
州防禦使贈寧國軍節度觀察留後宣城郡公嘗坐
與人姦除名已而復官從誨終左金吾衛大將軍台
州團練使贈襄州觀察使襄陽侯子世開安定郡王
事見上紹興元年詔曰太祖皇帝勦業垂統德被萬

世神祖詔封子孫一人為安定郡王世世勿絕今其
 封不舉朕甚憫之有司其上合封人名遵故事施行
 時燕秦二王後爭襲封禮部員外郎王居正上言燕
 王親太祖長子其後當襲封議遂定自紹興至嘉定
 襲封者十五人惟令時令慮令諷令杓迹頗著餘皆
 繼嗣姪姪無足稱令時字德麟燕懿王玄孫也蚤以
 才敏聞元祐六年簽書潁州公事時蘇軾為守愛其
 才因薦于朝宣仁太后曰宗室聰明者豈少哉顧德
 行何如耳竟不許軾被竄令時坐交通軾罰金已而
 附內侍譚稹以進紹興初官至右朝請大夫呂頤浩

請以令時主行在太宗正司帝命易璣衛官願浩言
 令時讀書能文恐不須易帝曰令時昔事譚稹頗違
 清議故右監門衛大將軍榮州防禦使權知行在大
 宗正事遷汝州觀察使與新定郡王尋遷寧遠軍
 承宣使同知行在太宗正事四年薨貧無以為殮帝
 命戶部賜銀絹贈尚書右司令在紹興五年因
 平武軍兵馬都監張玘與玘同觀察使尋除同知大
 宗正事踰年薨在隆興初玘三子昌州國錄後
 惟國惟固生榮安生三從孫從信生益公世遠世遠
 生令慮後右禁直遷東頭供奉官累監州縣場倉

監司率昂薦其子易資承事郎調詣州簽判歷編州
通判累知蜀州閬州慶源府召除詹事府少知樞密院
脩撰再知慶源府建炎二年分兩外宗子於恭州命
令應知西外宗正事除御營使司參贊軍事宗子
避地福州因置司焉元勳太子薨帝命令應遷葬祖
後得三四人尋擢集英殿脩撰知兩外宗正再選宗
子得伯球伯浩著官中後選得伯玖性亦聰惠高宗
喜轉令應知泉州尋與祠以歸令應始令應改閩州
觀察使兼鎮守除同知太宗正事踰年授鎮東軍承宣
使再選保平軍節度使紹興十三年薨年七十五贈

少師後追封惠王謚襄靖子子游官至湖北提州用
戶部侍郎王侃薦加直秘閣會建寧節度使王勳知
兩外宗正司以事去官言者請權依重文臣之屬正
者代之遂以命子游西南外宗官用文臣自子游始
令諱字君序以文任備右監御史和中選承忠烈
召試授從事郎官和二年以直學士試合選各格於官
教訓調信州承書職事中和初兼福建州判兼提
兼刑獄公事奏補方補用安文部王德新者十餘在
其死次令諱官封道以事放歸遂命令諱兼壽邑而
令諱以壽邑令諱乃陞令諱開館講知台州後知

紹興府... 諸... 田... 高... 下... 守... 今... 進... 秩... 咸... 慶... 壽... 有... 是... 州... 縣... 不... 及... 一... 分... 慶... 所... 即... 許... 振... 恤... 皆... 從... 之... 今... 穆... 慶... 宗... 正... 事... 奏... 減... 生日... 支... 賜... 并... 郊... 祀... 賞... 給... 以... 助... 軍... 興... 詔... 旨... 之... 選... 殿... 閣... 直... 學... 士... 特... 授... 左... 山... 大... 夫... 知... 紹... 興... 府... 引... 疾... 乞... 祠... 以... 歸... 尋... 嘉... 年... 六... 十... 八... 令... 詔... 泣... 書... 明... 敏... 有... 風... 采... 烈... 在... 廣... 東... 日... 嘗...

與副使章爰不協陰中以法陷爰於死世以此少之
令衿嘉孝穆公世峽子也博學有能文聲中大觀二
年舍選靖康初為軍器少監言事忤旨奪官紹興七
年以都官員外郎召張浚罷令衿請對留浚言官石
公揆論令衿阿大臣復罷爰之以事抵臨安中丞李
文會劾令衿昔為大臣緩頰今復奔走請託詔送吏
部吏部直令衿奏除德安府通判遷知泉州泉屬邑
有隱士秦系故廬唐相姜公輔墓邑旁令衿建堂合
祠之郡人感其化歸寓三衢嘗會賓客觀秦禮家廟
記口誦君子之澤五世而斬之句通守汪召錫檜兄

壻也頗疑令衿諷教官莫汲訴令衿論日月無光謗
訕朝政侍御史董德元承風旨劾之誣以賊私詔下
令衿獄案驗無狀乃論令衿謗訕不遜這一官勒停
令南外宗正司拘之檜除召錫湖南提舉以報之銜
令衿必欲置死地初趙鼎之子汾歸過衢令衿贖之
侍御史徐嘉希檜旨誣令衿與汾有密謀伺朝廷機
事捕汾下大理寺俾汾自誣與張浚李光等謀逆而
令衿預焉獄上檜病不能省乃獲免檜死復爵二十
六年授明州觀察使襲封引疾乞養燕王祠許之尋
加慶遠軍承宣使二十八年薨贈開府儀同三司令

誥建炎末為右武衛大將軍信州以禦使熙寧初首
封秦王孫從式已而更封燕王曾一以世清宣和中又
封秦王元孫令濫令濫卒令庇年長禮官以為小
宗不當封紹興元年六月令話得襲封授寧州觀察
使二年七月薨贈開府儀同三司令德乾道元年為
武德郎時安定郡王令詔換立階太宗正司表令詔
授定武軍承宣使襲封令德薨幾不就出蜀七年令
德薨令悌當封一沈和聲色不任襲認武德郎令詔
襲封除金州觀察使人據處時秦之後無當襲者武
翼郎子棟居燕王從年又為長孫襲封子棟薨九年

九月忠訓郎子彤節度使昭興二年嘉平
八十餘慶元元年十月忠訓節子恭襲授利州觀察
使子恭薨嘉定二年十月子詔授金州觀察使四
年十一月伯羽襲授青州觀察使嘉定元年十月伯
羽襲授福州觀察使八年十一月伯羽襲授潭州觀
察使

秦康惠王

方開寶九年出閣授宣州防禦使太平

興國元年

興元尹山南西道節度使同平章事三

年冬加檢校

太尉六年三月寢疾薨年二十二車駕

臨哭廢朝五日

贈中書令岐王及謚後加贈太師改

元王子三人惟叙惟憲惟能慶曆四年詔封十王之

後以惟叙子從照封安國公終左金吾衛大將軍歸

州國祿使贈同州觀察使國齊公從照卒以惟能子

從古封安國公終延州觀察使贈保靜軍節度使同

中書門下平章事楚國公謚惠恪從古卒惟憲子從

式襲封舒國公神宗即位謂初業垂統實自太祖顧

無以稱乃下詔令中書門下改太祖之籍以屬近而

行尊者一人裂土地而王之使常從獻于郊廟世世勿

復絕於是有所推擇以從式應詔封安定郡王終

保康軍節度使贈同中書門下平章事追封崇王謚

安僖從式既薨詔以越王曾孫世準襲封安定郡王
而以從式子世恩襲爵為楚國公主楚王德芳之祀
遷楚州防禦使卒贈國國軍節度使謚良僖徽宗即
位改封楚王為秦王惟叙字懋功性純謹願好學端
拱初授左武衛將軍四遷左衛將軍領勤州刺史大
中祥符四年從祀汾陰拜左千牛衛大將軍八月卒
年三十五贈懷州防禦使追封河內侯明道二年加
贈保靜軍節度觀察留後高平郡公子從照封安國
公從溥至右侍禁內殿崇班惟憲字有則美丰儀少
頗縱肆長修謹善射好吟詠多讀道書端拱初授左

屯衛將軍累遷左羽林將軍領濱州刺史加左衛大
將軍領賀州團練使真拜資州團練使大中祥符九
年五月卒年三十八贈安德軍節度使兼侍中英國
公子從式始封安定郡王事見上從演禮賓副使從
戒從戒從湜並內殿崇班從責供奉官惟能字若拙
端拱初授右屯衛將軍累遷右神武軍將軍大中祥
符元年五月卒年三十贈蔡州防禦使張掖侯明道
二年加贈集慶軍節度觀察留後南康郡公子從古
襲安國公從善內殿承制從贊宗班
安僖秀王子脩泰康惠王之後高宗族凡也康惠生

英國公惟憲惟生新興侯從郁從郁憲生華陰侯世
將世將生東頭供奉官令僧令僧生子備宣和元年
舍試合格調嘉興丞是年子伯琮生後被選入宮是
為孝宗子備召赴都堂審察改宗教即通判湖州尋
除直秘閣賜五品服孝宗既封建國公就傳子備召
對言宗室之寓于外者常衆居官舍選尊長鈴束之
年未十五附入州小學十五入大學許依進士流舉
未出官者亦許入學聽讀及一年聽參選高宗納其
說遷朝奉郎秘閣修撰之慶州已而乞祠許之累官
左朝奉大夫紹興十三年秋致仕明年春卒于秀州

時孝宗為普安郡王疑所服詔侍從臺諫議秦熺等
請解官如南班故事普安亦自請持服許之及普安
建節子備以恩贈太子少師既為太子加贈太師中
書令封秀王謚安僖配張氏封王夫人孝宗受禪稱
皇伯園廟之制未備紹熙元年始即湖州秀園立廟
奉神王建祠臨安府以藏神貌如漢王故事仍班諱
嗣秀王伯圭字禹錫孝宗同母兄也初以恩補將仕
郎調秀州華亭尉累官至浙西提刑司幹辦公事除
明州添差通判孝宗受禪上皇詔除集英殿脩撰知
台州伯圭在郡頗著政績除敷文閣待制改知明州

充沿海制置使蕃商死境內遺貲巨萬吏請沒入伯
圭不可戒其徒護喪及貲以歸陞敷文閣直學士以
憂去服闋再知明州新學宮命宗子入學開以規矩
詔徙戍定海兵於許浦伯圭奏定海當控扼之衝不
可撤備請摘制司軍以實其地從之海寇猖獗伯圭
遣人諭降其豪葛明又遣明禽其黨倪德二人素號
桀黠伯圭悉撫而用之賊黨遂散以功進一官累陞
顯謨閣龍圖閣學士在郡十年政寬和浚湖陂均水
利辨冤獄嘗獲鑄銅者不忍寘諸法諭令易業民由
是無再犯淳熙三年授安德軍節度使尋加開府儀

同三司充萬壽觀使朝德壽宮上皇賜玉帶加少保
封滎陽郡王高宗崩入臨充攢宮總護使除少傅光
宗即位陞少師踰年召見遷太保封嗣秀王賜甲第
於安僖祠側臣僚上言治平中追崇濮邸王子孫幾
二十人皆自環衛序遷其官今居南班者止師夔一
人非所以強本支而固磐石也前未建秀邸時欲賊
以祿則不免責以吏事今已建邸而猶責吏事他日
或不免於議治則傷恩不則廢法曷歸之南班俾無
吏責而享富貴遂詔伯圭諸子得換班紹興二年除
判大宗正事建請別立宗學以教宗子起奔太師免

奉朝請尋無崇信軍節度使賜第還湖州尋薨于家
訃聞帝為輟朝三日遣封崇王諡憲靖伯主性謙謹
不以近屬自居每日見行家人禮雖宴私隆洽執臣
節愈恭一日孝宗問潛龍時事伯主辭曰臣老矣不
復能記問至再三終不言帝笑曰何太謹也益愛重
之嘗欲廣其居並湖為複閣有司既度材矣伯主固辭
而止阜陵成遷中書令凡五讓寧宗嘉其志詔別議
褒崇之禮贈贊拜不名有與至殿門予九人師夔師
揆師垂師高師禹師臯師岩師彌師真師夔字汝一
初以祖恩補官調太平州蕪湖簿隆興元年改右承

務郎歷台州秀州通判直秘閣尋知徽州新學舍進
直徽猷閣知湖州時歸附從軍而廩於湖者衆不能
給師夔請增廩仍別給餼錢以安其心帝稱善詔
諸郡行之除直龍圖閣遷浙西提刑改江東運判建
康務場往往奪民利為害滋甚師夔首罷之守臣以
郡計所資請師夔請復舊不從池州軍帥霍政與守
臣交上書相攻詔師夔究曲直政奪遣人求庇師夔
斥之具言狀政坐罷去改秘閣脩撰知明州蕪沿海
制置使加敷文閣待制轉永慶軍承宣使紹熙元年
侍父入覲除興寧軍節度使寧宗即位加檢校少保

充阜陵橋道頓遊使阜陵成遷開府儀同三司侍父
歸父薨未踰月師薨亦卒年六十一贈少師進封新
安郡王師諡字元輔初補右承務郎奉祠除添差湖
州簽判改婺州通判加直秘閣守臣薨元言薦其材
上以問史浩浩言其聰爽可任召對除江東提舉奏
免失陷常平人毋責償改淮南漕等遷淮西提刑兼
提舉領屯田事奏以荒圩給軍士其屯田為民世業
者勿奪從之及代去吏請獻羨錢二十萬師揆曰後
將病民矣除直秘閣改江東轉運副使加秘閣脩撰
知明州紹興元年授觀安使寧宗即位除奉國軍承
宣使尋陞節度使也見賜有與趙檢校太保開府儀
同三司充萬壽觀使襲封開禧元年奉朝請嘉定七
年薨贈太傅進封漣王謚恭惠弟師禹由保康軍節
度使除開府儀同三司襲封十六年薨贈太傅進封
和王謚端肅



列傳卷第四

宋史二百四十五

開禧傳三司管軍國軍書重立丞相修國史領修事都總制

勅修

宗室二

漢王元佐 昭成太子元僖 商王元份

越王元傑 鎮王元偓 楚王元偁

周王元儼 悼獻太子 濮王允讓

太宗九子長楚王元佐次昭成太子元僖次真宗次

商恭靖王元份次越文惠王元傑次鎮恭懿王元偓

次楚恭惠王元偁次周恭肅王元儼次崇王元億

漢恭憲王元佐字惟吉初名德崇母元德皇后少聰
警貌類太宗帝鍾愛之年十三從獵近郊免走乘輿
前太宗使元佐射一發而中契丹使在側驚異之從
征太原幽薊太平興國中出居內東門別第拜檢校
太傅同中書門下平章事封衛王赴上于中書後徙
居東宮改賜今名加檢校太尉造封楚王初秦王廷
美遷涪陵元佐獨申救之廷美死元佐遂發狂至以
小刀操擬刃傷侍人雍熙二年疾少間帝喜為赦天
下重陽日內宴元佐疾新愈不與諸王宴歸暮過元
佐第曰若等侍上宴我獨不與是棄我也遂發忿被

酒夜縱火焚宮詔遣御史捕元佐詣中書劾問廢為
庶人均州安置宰相宋琪率百官三上表請留元佐
京師行至黃山召還廢居南宮使有守護諮議趙齊
王通翊善戴元頓首請罪帝赦之曰是子朕教之猶
不悛汝等安能輔導耶真宗即位起為左金吾衛上
將軍復封楚王聽廢不朝再加檢校太師右衛上
將軍元佐三日旦以寶帶平居不接人事而事
或預知帝嘗遣衛士嘗寤真為黥權左右未及白元
佐遽曰吾嘗寤真帝問之曰豈非烏物所馮乎封
泰山直崇文殿初陰遣文尉兼中書令又加太師

尚書令兼中書令遂拜元宗上將軍由元宗賜劍履
上殿詔書不日時禁中失元佐表傳奉稟助完宮闕
不許加兼雍州牧仁宗為皇太子兼興元牧仁宗即
位兼江陵牧亮年六十二贈河中鳳翔牧追封齊王
謚恭憲宗室子弟特給假七日以內薄鼓吹導至永
安陪葬熙陵明道二年改封潞王又改魏王子子三
人允升允言允成神宗封王後以允言子宗說恭憲
王長孫嗣封祈國公皇祐中坐帷薄不修除名又坐
坑殺女僕鎖閉宮室外宅其子仲旻官右武衛大將
軍道州刺史後因朝叩頭殿下泣訴云父老且病願

納身官以贖神宗亦愍之而未俞其請出就馬氣寒
不能言及家而卒贈同州觀察使馮翊侯宗說幽死
熙寧三年以允升子宗惠襲封魏國公中書言宗惠
不應封以恭憲庶長孫允言子宗立嗣宗立從張揆
學春秋大清樓侍宴預坐悉賦裸玉詩宗立詩先成
仁宗稱善屢賜飛白書旌其文雅至是襲封終武寧
軍節度觀察留後贈昭信軍節度使同中書門下平
章事南康郡王子仲來嗣終金州刺史子不儻嗣徽
宗立改封魏王為漢王不儻卒子彥清乞襲父爵奉
漢王祀詔從之允升字吉先初免乳養明德太后宮

太后親撫視之元佐有疾允升始出第真宗賜咎元
中授右監門衛將軍更賜今名累遷澶州觀察使封
延安郡公進武寧軍節度觀察留後歷安德建雄安
國軍節度使景祐二年卒贈太尉平陽郡王謚懿恭
子十三人宗禮宗旦宗悌宗惠知名宗禮嘗侍宴大
清樓仁宗賦詩命屬和侍射苑中復獻詩終虔州觀
察使成國公贈安遠軍節度使同中書門下平章事
韓國公子仲翹仲髦宗旦字子文七歲如成人選為
仁宗伴讀帝即位獲超選為群從所詆上書言狀帝
曰宗旦陪朕幼學勤勞居多此出朕意豈應訴以常

格所生母死請別擇葬域歲時奠祀後遂著為法治
平中同知大宗正事神宗即位拜崇信軍節度使同
中書門下平章事為大宗正賜方團金帶非朝會得
乘肩輿元豐三年封華陰郡王加開府儀同三司長
屬疾十六年宗子有過優游誨導一善必以開異時
赴朝請者率以私丁給侍從旦建請始得從官給薨
贈太尉滕王謚恭孝聽旗節印綬從葬宗悌字元發
輕財好施相王氏子持父所服帶求質錢宗悌惻
然曰宰相子亦至是乎歸帶而與之錢所親用詐取
藏錘得其狀曰吾不以小故傷骨肉恩竟不問所生

母早世宗悌不識也聞父婢語平生輒掩泣繼得其
肖貌繪而奉之如生終明州觀察使贈保寧軍節度
使同中書門下平章事東陽郡王謚曰孝憲宗惠封
魏國公尋以旁支黜終武昌軍節度觀察留後江夏
郡王贈郟王允言累官左屯衛將軍嘗託疾不朝降
太子左衛率府率歲中復官又坐答侍婢而兄允升
勸止悖慢無禮貶副率絕朝謁出之別第以祀汾陰
恩復率府率還宮久之復朝謁歷左監門衛大將軍
黃州刺史天聖七年卒贈明州觀察使奉化侯明道
二年贈安遠軍節度使追封密國公子宗說宗正事

並見上宗育終右屯衛將軍贈潁州防禦使汝陰侯
允成終右神武將軍濮州防禦使贈安化軍節度使
郟國公明道二年加贈鎮江軍節度使兼侍中子宗
顏宗訥宗鼎宗嚴宗魯宗儒宗奭皆為環衛刺史
昭成太子元僖初名德明太平興國七年出閣授檢
校太保同平章事封廣平郡王與兄衛王德崇同日
受封八年進封陳王改名元佑詔自今宰相班宜在
親王上宰相宋琪李昉請遵舊制不允宋琪等懇請
久之上曰宰相之任實總百揆與群司禮絕藩邸之
設止奉朝請而已元佐等尚幼欲其知謙損之道卿

等無固讓也雍熙二年元佐被疾以元僖為開封尹
兼侍中改今名進封許王加中書令上為娶隰州團
練使李謙溥女為夫人因謂宰相曰朕嘗語諸子今
姻偶皆將相大臣之家六禮具備得不自重乎淳化
元年宰相呂蒙正復上言乞班諸王下詔不允三年
十一月己亥元僖早入朝方坐殿廬中覺體中不佳
徑歸府車駕遽臨視疾已亟上呼之猶能應少頃遂
薨上哭之慟廢朝五日贈皇太子謚恭孝元僖姿貌
雄毅沈靜寡言尹京五年政事無失及薨上追念不
已悲泣達旦不寐作思亡子詩示近臣未幾人有言

元僖為嬖妾張氏所惑張頗專恣搗婢僕有至死者
而元僖不知張又於都城西佛寺招菟塋其父母僭
差踰制上怒遣昭宣使王繼恩驗問張縊死左右親
吏悉決杖停免毀張氏父母塚墓親屬皆配流開封
府判官右諫議大夫呂端推官職方員外郎陳載並
坐裨贊有失端黜為衛尉少卿載為殿中侍御史許
王府諮議工部郎中趙令圖侍講庫部員外郎閻象
並坐輔道無狀削兩任免詔停冊禮以一品鹵簿塋
真宗即位始詔中外稱太子之號焉乾興初改謚無
子仁宗時詔以允成子宗保出後昭成太子為孫宗

保生二歲母抱以入見章獻后后留與處宗保七歲授左侍禁帝親為巾其首久之歸本宮詔朔望出入禁省累官代州防禦使襲封燕國公性仁恕主藏吏盜米至千斛貫不問嘗書忍字於座右以為戒熙寧七年卒神宗臨奠其子仲鞠泣曰先臣幼養宮中終身不自言帝感悼遂優贈靜難軍節度使新平郡王謚恭靜仲鞠亦好學能詩事親居喪以孝聞宗保卒子仲恕嗣官至忠州團練使謚純僖子士盂嗣商恭靖王元份初名德嚴太平興國八年出閣改名元俊拜同平章事封冀王雍熙三年改今名加兼侍

中威武軍節度使進封越王溥化中兼領建寧軍改鎮寧海鎮東真宗即位加中書令徙鎮永興鳳翔改王雍永熙復立為山陵使拜太傅真宗北征為東京留守薨年三十七贈太師尚書令鄆王改陳王又改潤王治平中封魯王元份嘗言動中禮標均偉如娶宗儀使李漢斌之女李氏得姑恠酷宮中文婢小不如意必加鞭杖或致死上每有恩賜詔令均給李盡取之及元份病上親臨問見左右無侍者因殺宮人為主湯劑初太宗崩殿里皆赴禁中朝暗臨李多稱疾不至元份生日李以衣服器用為壽皆飾以龍

鳳居元份喪無戚容而有謗上之語上盡知其所為以元份故優容之及是復不欲顯究其罪狀止削國封置之別所元份子三人長允寧次允懷改允中早卒次則濮王允讓也允讓薨以允寧子宗諤襲魏國公至熙寧三年以宗肅嗣封魯國公宗肅亦允寧子也子仲先嗣徽宗即位改封魯王為商王詔曰宗室諸王追封大國其世襲子孫尚仍舊國其未稱正名之意如魯王改封商王其子尚襲魯國之類其令大宗正司改正制以寧遠軍節度使魯國公仲先改封商國公允寧之德之性至孝因父感疾恍惚失常既

而嗜學尤喜讀唐史通知近朝典故工虞世南楷法真宗賜詩激賞之又善射嘗侍射後苑屢破的賜金帶器幣初授右千牛衛將軍四遷右武衛歷唐州團練潁州防禦同州觀察使進彰信軍觀察節度留後武定軍節度使景祐元年卒贈太尉信安郡王謚僖簡子宗諤宗敏宗孟宗肅宗諤封魏國公官累集慶軍節度使同中書門下平章事進封豫章郡王乞比外使相給奉仁宗以非兼侍中令誥主吏宗諤上章自陳於是御史張商英劾其招權立威等罪坐落平章事英宗即位還所奪元豐五年薨贈太尉韓王太

常謚榮孝上省集議駁之改榮恭僕射王珪復駁之
遂謚榮恩宗肅封魯國公兄宗諤嘗亡寶噐意宗肅
家人子竊之宗肅曰吾庶不足取信兄弟如此乎立
償其直宗諤愧不取乃施諸僧久之噐得宗肅不復
言元豐五年終安化軍留後以嘗從英宗入慶寧優
贈鎮海軍節度使開府儀同三司北海郡王宗敏終
右千牛衛大將軍文州刺史贈越州觀察使會稽侯
頗涉書傳緣郊恩建請封所生母范氏宗室子得封
所生母自宗敏始

越文惠王元傑字明哲初名德和太平興國八年出
閣改名授檢校太保同平章事封益王端拱初加兼
侍中成都尹劍南東西川節度淳化中徙封吳王領
揚潤六都督府長史淮南鎮江軍節度使至道二年
改揚州六都督淮南忠王軍節度真宗即位授檢校
太尉兼中書令檢州六都督武寧泰寧等軍節度使
改封兗王咸平中再郊祀皆為終獻加亭太保六年
七月暴薨年三十二元傑穎悟好學善屬詞工草隸
飛白建樓貯書二萬卷及為亭榭遺意之所嘗作假
山既成置酒召僚屬觀之甥善辨地獨頷首不視元
傑強之坦曰坦見血山安得假山言州縣輕擾徼民

以取租稅假止實租稅所為且語見姚坦傳中及堯
真宗聞之震悼不俟旦步及中禁門乃乘輿臨視哀
動左右廢朝五日贈太尉尚書令建封安三謚文惠
後改邢王後改陳三無子仁宗以恭憲王之孫允言
子宗望為之後宗望字子國終右武衛大將軍舒州
防禦使贈安化軍節度使觀察留後高密郡公仁宗
嘗御延和殿試宗子書以宗望為第一又常獻所為
文賜國子監書及以塗金紋羅御書好學樂善四字
賜之即所居建御書閣帝為題其榜子仲節嗣熈寧
三年與商恭靖王孫宗肅等同日封陳國公官至陳
州觀察使卒謚良偉子士闡嗣父卒徙行護喪數百
里路人嗟惻卒贈陳州觀察使徽宗即位改封陳王
為越王

鎮恭懿王元偃字希道瑞拱元年出閣授檢校太保
左衛上將軍封徐國公至道二年拜洪州都督鎮南
軍節度使真宗即位加同平章事封彭城郡王俄加
檢校太傅改鎮靜難彰化進封寧王郊祀東封悉為
亞獻禮成授檢校太尉兼侍中護國鎮國等軍節度
三年文武官請闕請祠石土元偃以領節帥亦奏章
以請詔許之將行命為河華管内橋道頓使明年

車駕入境元偓奏方物酒餼益阜是藥為百儀物甚
 盛至河中與判府陳堯叟分導奉輿度蒲津橋上登
 郊立亭目元偓曰橋道頓置最難之力也元偓頓首
 謝及還加中書令領成德安國等軍節度改封相王
 五年加守太傅真宗自即位以來屢以學術勗宗子
 元偓首冠藩戚益自修勵上每製篇為付必令屬和
 一曰謂宰相曰朕每戒宗子作詩習射如聞頗精習將
 臨觀焉因幸元偓邸第宴從官宮僚畢命賦七言詩
 元偓奉觴上壽賜襲衣金帶器幣繒錢又與宗室射
 于西南亭日晡從官退上獨以中官從幸元偓元偓

宮復宴元偓宮如家人禮夜二鼓而罷六年進位太
 尉八年七月以榮王宮火徙元偓宮於景龍門外車
 駕臨幸是冬加兼尚書令天禧元年二月換成德鎮
 寧二鎮進封徐王二年春宮邸遺燼燔舍數區元偓
 驚悸景中風眩薨年四十二帝臨哭廢朝五日贈太
 師尚書令鄧王賜謚恭懿元偓姿表偉異厚重寡言
 曉音律後改封密王又改王蘇治平中追封韓王子
 允弼八歲召入禁中令皇子致拜允弼不敢當御樓
 觀酺得與皇子並坐皇子即位是為仁宗允弼累遷
 武寧軍節度使兼侍中判大宗正事封北海郡王英

宗時拜中書令徙王東平神宗即位拜太保鳳翔雄武軍節度使朝朔望熙寧二年丁母憂悲痛不勝喪固辭起復母葬有日而允弼病篤顧諸子以不得終大事為恨薨帝臨哭之慟輟朝三日贈太師尚書令兼中書令追封相王謚孝定允弼性端重時然後言諸官增學官員允弼已貴猶日至講席延伴讀官讀孟子一節領宗正三十年與濮安懿王共事相友愛為宗屬推敬子宗績襲祖恭懿王封為韓國公卒贈南康郡王謚良孝宗績弟宗景以相州觀察使同知大宗正事神宗以其父允弼司宗父故復選用之宗景

事母孝居喪如不能勝居第火冒急赴家廟不恤其他火亦不為害元祐中累遷彰德軍節度開府儀同三司檢校司空封濟陰郡王宗景喪其夫人將以妾繼室先出之於外而託為良家女且納焉坐奪開府既而還之紹聖四年薨年六十六贈太師循王謚曰思宗績既卒子仲磨嗣自平川節度使徙劔南西川徽宗改封韓王為鎮王

楚恭惠王元備字令聞七歲授檢校太保右衛上將軍涇國公父之領鄂州都督武昌軍節度使真宗即位加同平章事安定郡王進檢校太傅景德二年郊

祀遷宣德保寧兩鎮進封舒王大中祥符初封泰山
加檢校太尉兼侍中移平江鎮江軍從祀汾陰加兼
中書令改鎮南寧國軍節度使五年拜太保自景德
後每有大事皆為終獻元備體素羸多病上幸真源
時已被疾懇求扈從至鹿邑疾甚有輿先歸車駕還
臨問數四七年薨年三十四廢朝五日贈太尉尚書
令追封曹王謚恭惠後改封華王蔡王有集三卷筆
札一卷上為製序藏之秘閣子允則官至右千牛衛
大將軍卒先是諸王子授官即為諸衛將軍餘以父
官及族屬親疎差等天禧元年令宗正卿趙安仁議

為定制安仁請以宣祖太祖太宗孫初廢授將軍曾
孫授右侍禁玄孫授右班殿直內父爵高者聽從高
廢其事孫特旨者不以為例詔中書門下樞密院參
定行之允則無子以平陽懿恭王之子定遠為後熙
寧三年襲封蔡國公鄰家生少益因為奸竊宗達所
服帶既而得之且知其上名贊不問浚井得鏹復授
之官累武信軍留後兼昭化軍節度使開禧儀同
三司高密郡王子仲約為徽宗即位改封蔡王為楚
王

周恭肅三元儼少時頗大為宗愛之每朝會宴集多

侍左右帝不欲之儼以出宮期以年二十始就封故
宮中稱為二十八太保蓋以儼於兄弟中行第八也
真宗即位授檢校太保左衛上將軍封曹國公明年
為平海軍節度使拜同中書門下平章事加檢校太
傅封廣陵郡王封泰山改昭武安德軍節度使進封
榮王祀汾陰加兼侍中改鎮安靜武信加檢校太尉
祠大清宮加兼中書令坐侍婢縱火延燔禁中奪武
信節降封端王出居故驛馬都尉石保言第每見帝
痛自引過帝憫憐之尋加鎮海安化軍節度使封彭
王進太保仁宗為皇子加太傅歷橫海永清保平定

國節度陝州大都督改通王溼王仁宗即位拜太尉
尚書令兼中書令徙節鎮安忠武封定王賜養拜不
名又賜詔書不名天聖七年封鎮王又賜劍履上殿
明道初拜太師換河陽三城武成節度封孟三改永
興鳳翔京兆尹封荆王遷雍州鳳翔改景祐二年大
封拜宗室授荆南淮王節度大使行荊州揚州牧仍
賜入朝不趨元儼庶額豐頤嚴整不可犯天下崇懼
之名聞外夷事母王德妃孝妃每有疾躬侍藥晨夕
盥潔焚香以禱至感念不食母喪哀戚過人平生寡
嗜慾惟喜聚書好為文詞頗善二王書工飛白仁宗

冲年即位言願皇心臨朝自以屬尊望重恐為太后所忌深有沈晦因高門下絕人事故謔語陽狂不復預朝謁及太后崩仁宗初政益加尊寵元有請報可必手書謝牘方陝西用兵上所給公用錢歲五十萬以助邊費帝不欲拒之收入其半嘗問翊善王洙曰元昊平未對曰示也曰如此安用宰相為聞者畏其言慶曆三年冬大雨雪示冰隙楚之地尤甚占者曰憂在大臣既而元儼病甚上憂形于色親至卧内手調藥屏人與語久之所對多忠言賜白金五千兩因辭不受曰臣竊憂且死將重費家國矣帝為嗟泣明

年正月薨贈天策上將軍徐兗二州牧燕王謚恭肅比葬三臨其喪詔以元儼墨跡及所為詩分賜宰臣餘藏秘閣子十三人允熙允良允迪允初餘皆早卒熙寧中以允良子宗絳嗣封吳國公徽宗改封吳王為周王允熙終右監門衛將軍滁州刺史贈博州防禦使博平侯允良歷五節度領寧海平江兩軍封華原郡王改襄陽由同中書門下平章事兼侍中至太保中書令好酣寢以日為夜由是一宮之人皆晝睡夕興薨贈定王有司以其反易晦明謚曰榮易允迪累官耀州觀察使居父喪不哀又嘗宮中為優戲為

妻昭國夫人錢氏所告制降右監門衛大將軍絕朝
謁錢氏亦度為洞真道士允初初名允宗勤於朝會
雖風雨不廢未嘗問財物厚薄惟誦佛書人以為不
慧累遷寧國軍節度使同中書門下平章事治平元
年卒贈中書令博平郡王無子英宗臨奠以允初後
事屬其兄允良乃以允成孫仲連為之後

崇王元億早亡追賜名封代國公治平中封安定郡
王徽宗即位加封崇王

真宗六子長溫王禔次悼獻太子祐次昌王祗次信
王祉次欽王祈次仁宗禔祗祈皆蚤亡徽宗賜名追

封

悼獻太子祐母曰章穆皇后咸平初封信國公生九
年而薨追封周王賜謚悼獻仁宗即位贈太尉中書
令明道二年追冊皇太子

仁宗三子長楊王昉次雍王圜次荆王曦皆早亡徽
宗時改封

濮安懿王允讓字益之商王元份子也天資渾厚外
莊內寬喜愠不見于色始為右千牛衛將軍周王祐
薨真宗以綠車旄節迎養于禁中仁宗生用蕭韶部
樂送還邸官衛州刺史仁宗即位授汝州防禦使累

之重祗承天地之靈於宗室無多之中簡推聖明授
以大業陛下親為先帝之子然後繼體承祧光有天
下漢安懿王雖於陛下有天性之親顧復之恩慈陛
下所以負宸端冕富有四海子子孫孫萬世相承皆
先帝德也臣等竊以為漢王宜準先朝尊尊親尊
屬故事尊以高官大國謙國襄國仙遊並封大夫人
攷之古今為宜稱於是中言奏王珽等所議亦見詳
定漢王當稱何親名與不名珽等議漢安於仁宗為
兄於皇帝宜稱皇伯而不名如楚王涇之故事中書
又奏禮與令及五服年月敕出繼之子於所繼所生

皆稱父母又漢宣帝光武皆稱父為皇考今珽等請
稱漢王為皇伯於典禮未有明據請下尚書省集三
省御史臺議奏方議而皇太后手詔詰責執政於是
詔曰如聞集議不一權宜罷議令有司博求典故以
聞禮官范鎮等又奏漢之稱皇考稱帝稱皇立寢廟
序昭穆皆非陛下聖明之所法宜如前議為便自是
御史呂誨等彈奏歐陽脩首建邪議韓琦會公亮趙
縻附會不正之罪因請如王珽等議既而內出皇太
后手詔曰吾聞群臣議請皇帝封宗漢安懿王至今
未見施行吾載閱前史乃知自有故事漢安懿王謙

國夫人王氏襄國夫人韓氏也。建隆元年任氏可令皇
帝撫親濮安懿王。懿王三歲皇太后任氏並養右事方
施行而英宗即日手詔曰：「無親之禮，謹遵慈訓。」追崇
之典，豈易克當？且欲以登為國，即國立廟，俾王子孫
主奉祠事。翌日誨等以所論列，彈奏不見聽用。繳納
御史劾告家居待罪。誨等所劾大臣，以為前詔稱權
罷集議後詔又稱且欲以登為國，即國立廟之意未已。
英宗命閣門以告還之。誨等乃辭官。職諱等既出而
濮議亦寢。至神宗元豐二年詔以濮安懿王二夫人
可並稱王。夫人云王二十八丁長宗。英宗時為宿

州團練使封和國公。神宗以宗懿世子安懿王元子追
封舒王子仲鸞常川防禦使。父薨，世子皆進官，獨不
受。喜翰墨，樂施與。九族稱賢。卒，諡武康軍節度使。
洋國公謚曰良仲。鸞弟仲汾幼喜書，言史一讀成誦。居
父喪，鄰於毀瘠。卒，官萊州防禦使，贈昭化軍節度使。
榮國公次宗樸為隴州防禦使，封岐國公。宗樸與英
宗友愛，初詔英宗入居慶寧宮，固辭。宗樸率近屬敦
勸，乃入治平中。濮王園廟，宗樸遂拜彰德軍節度
使，封濮國公。奉王後，神宗即位，加同平章事，兼侍中。
進封濮陽郡王。薨，贈太師，中書令，追封定王。謚僖穆。

子仲佺父歿不食者數日母堯時天大雪步泥中扶翼道路歎惻以潤州觀察使卒贈開府儀同三司宗樸既薨宗詵襲封官至昭化軍節度使同中書明下平章事薨贈太師中書令廣陵郡王謚莊孝宗暉元豐中以淮康軍節度使襲濮國公安懿王及三夫人改附命為懿并題神主如同中書門下平章事開府儀同三司進嗣濮王哲宗立改鎮南節度使檢校司徒紹聖元年薨年六十七贈太師追封懷王謚崇穆子仲璉先是濮國嗣王四孟詣洛享園廟以河南府縣官充亞終獻宗暉之襲封也神宗始命以其子為

之仲璉遂以終獻侍祠凡十餘年父喪哀痛不能勝纓服除而卒官右監門衛大將軍合州刺史宗晟紹聖元年六月以武文軍節度使判六宗正事加檢校司徒嗣濮王明年三月薨年六十五贈太師昌王謚端孝宗晟好古學藏書數萬卷仁宗嘉之立以國子監言治平將郊而雨或議改拾享道宗訪諸宗晟對曰陛下初郊見上帝盛禮也豈宜改卜至誠感神在陛下精意而已帝嘉納及郊雨霽帝數被疾密請早是諸貳以係天下之望世稱其忠宗晟薨哲宗紹聖二年四月宗愈以鎮安節度使開府儀同三司檢校

司徒嗣封故事嗣王以四時詣祠所宗愈方屬疾或
曰下可以暑行曰吾身主祀而不往非禮也強與以
行其遂是年八月薨年六十五贈太師追封襄王
謚恭憲宗諱嗣官至河陽三城節度使檢校司徒紹
聖三年二月薨年六十二贈太師追封榮王謚孝靖
宗楚累拜武勝軍節度使開府儀同三司封南陽郡
王紹聖三年三月以檢校司徒改武昌節度使嗣濮
王既嗣爵當詣園進獻會疾以弟宗漢代行歎曰不
能親奉邊豆饗我生之王而浮食厚祿安平請以爵授
為不許四年六月薨贈太師惠王謚昭節宗祐亮王

自約蕭然若寒士好讀書无喜學易嘉祐中從父允
初未立嗣咸推其賢詔以宗祐為後泣曰臣不幸幼
失怙恃將終身悲慕恐為人後乎敢以死請仁宗憐
而從之累遷清海軍節度使開府儀同三司封乘城
郡王紹聖四年八月加檢校司徒嗣濮王時已病當
祠園廟不肯移疾自秋涉冬連從來元符元年春又
至生遂薨于祠下贈太師追封欽王謚穆恪宗漢英
宗幼弟也累拜保寧軍留後鄴國公東陽安康郡王
元符初以彰德軍節度使開府儀同三司檢校司空
嗣濮王徽宗即位從寧江保平泰寧三鎮判大宗正

亭加檢校司徒太尉太尉帝幸濮邸遷其子孫官時
安懿王諸子獨宗漢在恩禮隆顯大觀三年六月薨
贈太師追封景王謚孝簡宗漢善畫嘗作八馬圖人
稱其工仲增嗣仲增濮王孫於屬為長故封官至彭
德軍節度使開府儀同三司政和五年九月薨贈少
師追封簡王謚穆孝仲御自幼不群通經史多識朝
廷典故居父宗晟喪甚哀宗起知宗正力辭詔虛位以
須終制宗遷葬學保寧昭信武安節度使封汝南驃
郡王政和中檢校少傅泰寧軍節度使開府儀同
三司嗣封天德節度使在廷宰相適謁告仲御攝事

率百僚上壽若系習者帝每見必加優禮稱為嗣王
宣和四年五月薨年七十一贈太傅追封郟王謚康
孝仲爰嗣徽宗即位拜建武節度使為太宗正加開
府儀同三司封江夏郡王徙節泰寧定武檢校少保
少傅宣和五年六月薨年七十贈太保追封恭王仲
理嗣靖康初為安國軍節度使加檢校少保開府儀
同三司嗣濮王者英宗本生父後也治平三年立濮
王園廟元豐七年封王子宗暉為嗣濮王世世不絕
封高宗南遷奉濮王神主于紹興府光孝寺仲湜字
巨源楚榮王宗輔之子安懿王孫也初名仲但德寧

十年授右內率府副率累遷密州觀察使知西外宗
正事保大軍承宣使欽宗嗣位授靖海節度使更今
名召知大宗正事未行汴京失守唐主即帝位于南
京仲湜由漢上率衆徑謁時嗣濮王仲理北遷乃詔
仲湜襲封加開府儀同三司歷檢校少保少傅紹興
元年充明堂亞獻七年薨帝為輟朝賜其家銀帛追
封儀王諡恭孝仲湜事母以孝聞喜親圖史性酷嗜
珊瑚每把玩不云手大者一株至以數百千售之高
宗嘗問陸地則何如仲湜對曰碎矣帝曰以民膏血
易無用之物朕所不忍仲湜慚不能對子士從士街

士錢士衍士欽士從靖康末為洛州防禦使建炎二
年同知西外宗正事士管高郵軍宗子士從招潰卒
置屯奏假江淮制置使許之賊李在犯楚州士從遣
部將乘虛掩襲紐於小勝軍無紀律敗績士從移司
衡溫二州臣僚以其弟士錢撓州縣士從不能制遂
罷紹興四年遷涇洪二州觀察使權知濮王園令士
從乞擇利便地奉安神位從之六年士街授象州防
禦使遷華州觀察使同知大宗正事宣慶軍承宣使
士奉撰王祠事初以軍典南班宗子權罷歲賜至有
身歿而不能殮者士街言于朝詔復舊制二十二年拜

安德軍節度使與宗司凡十四年上錢官至安慶軍
 節度使同知太宗正事隆興元年上言宗司文移視
 官叙高下令讓臣元也位及居臣下失尊卑叙乞易
 置之詔可其奏上術官至崇慶軍節度使知西外宗
 正事右諫議何溥論上術強市海舟罷官已而詔歸
 南班奉朝請隆興中以邊事未寧與上錢奏減未給
 恩賞之半以勸軍興詔加獎諭仲偃景王宗漢子也
 初授右內率府副率轉右監門衛大將軍建炎末授
 武功大夫忠州防禦使紹興中遷濟州知南外宗正
 事八年加檢校少保向德軍節度使襲封嗣濮王仲

偃生而不慧以次得封入見榻前慟哭帝驚問故荅
 語狂謬帝優容之九年薨上輟朝三日追封瓊王謚
 恭惠士伐安懿王偃孫也紹興二十五年十一月襲
 封除崇慶軍節度使初仲偃薨奉檢校事致能襲檢死
 始封士伐踰年薨贈少師追封恩王謚溫靖上朝士
 伐弟也紹興二十八年由建州觀察使襲封授昭化
 軍節度使初懿王神效奉安報恩寺西挾屋居隘陋
 士朝請別營祠堂許之久之加檢校少保累加開府
 儀同三司賜新濮王居為世業陰知太宗正事累加
 一少充醴泉觀使厚熙七年薨贈太傅追封安王上

四百六十一
敬仲沒第十一子也由保康軍節度使襲封加開府
儀同三司累陞三少慶元二年嘉熙六年傳追封敬王
不祜安懿王玄孫也在二十六年累轉武功郎士敏既
薨不祜年最高得襲封除福州觀察使由廣官襲封
自不祜始慶元五年轉武安軍承宣使儀薨贈開府
儀同三司追封蔣國公不學由武經大夫授利州觀
察使襲封開禧初遷寧遠軍承宣使薨贈開府儀同
三司追封安國公不傳開禧二年由安遠軍承宣使
襲封除昭慶軍節度使遷檢校少保嘉定十年薨贈
少師追封高平郡王不學由武翼大夫襲封授福州

觀察使時嘉定十一年可也踰年而薨贈開府儀同三
司追封惠國公臣僚上言嗣濮王元降指揮雖有擇
高年行尊之文然高公不朝儀王仲湜以德望俱隆越
仲琮而選拜武德郎兼勳次當襲封以官卑乃命士儂
權奉祠事越十六年始正士儂之封是亦不拘定制
也乞自今應封者命太宗司鈐量都堂審察閣門引
見然後奏取進止寧宗然之不陵父士穉不嫖既薨
不陵由石千牛衛將軍授福州觀察使襲封嘉定十
五年遷奉國軍承宣使十七年薨贈開府儀同三司
追封惠國公



